

校編仁存陳

書叢學醫漢皇

東洞吉益著

類

聚

方

上海中醫學院出版社

# 類聚方

提要

日本東洞吉益翁。殫心漢醫。立志復古。嘗謂醫之學唯方耳。漢長沙之方。乃古之醫學。舍此而莫依也。惟方與證。散見諸篇。既難讀其書。又易惑後學。故以長沙諸方。類別而聚列之。並附己見。以資證實。其有疑者。矩之以方。遂名之曰類聚方。俾學者繄繩可以味。毫厘可以見矣。全書共錄二百二十餘方。皆出仲景心法。每一方下。首爲藥品用量製法服法。次述其方之適應病證。末附卓識按語。刪削空言虛論。保存真義。誠爲後學之所當服膺者也。

## 類聚方序

欽繇嘗患血症。五六年矣。骨將枯矣。東洞翁肉焉。爾後相得而歡篤。欽繇於醫事混然途之人也。比比耳。目其術奏效。間聞爲其徒辨惑之。略曰。唐宋來。方技家無慮數十。丹溪東垣輩稱其時。其論著鑿空張虛。如其持之有故。其言之成理。而無益於術。投饑餓以土羹乎。救決河用枯藁乎。而近世醫。或一毒同症。而投其劑。朝更夕改。其莽之投令乎。或一毒異症。仍貫乎其施。其守株刻船乎。而或其中。非爾力也。病者天幸已。非然。則診云。驅飯上蠅耳。豈視越人所途。仲景所傳。以爲周之冕。不可冠。殷之輅。不可乘矣。奚不能自開一眼。以蹈冥途。甚矣。世醫之墨墨也。乃使秦張二子。謂千歲無知己。此胡異乎。見表石爲鬼兒。藏燕石爲大寶。雖素非芒軻優格者。面牆使然乎。卽有一說。憚驚人耳。換面陳言。而丹溪東垣輩之尸之祝。及或見讀古方書者。又億億然猥以徒蔽精神。奚乃爲此方枘圓鑿。安所施之。且利之昧心也。使志不立。彼何論於故濟。張氏所謂寧不利於病。不拂富家心。其贊巧求售。如假飾妖娣。倚閭求歡者。不自知其陋。又不恥其恥焉。則又何進焉。噫。卽使爲則。沙汰其砂礫。簸揚其秕糠。乃不能以一旦遽洗滌。世醫舊染。夏蟲疑冰。不亦類乎。亦唯候後世之公言耳。蓋詭隨僂子聞此語。豈不謂避竈猶燭。沾沾背出汗乎。詩云。我思古人。俾無訖令。東洞翁之謂也。蓋東洞翁壯年前。憤厲激發。立志其復古。焦心覃思。更唐宋

失機縱敵之弱謀。張秦張應變摧堅之紀律。乃遂揭旗幟其道。振金鼓其黨。亦惟繼絕存亡矣。斯亦謂與秦張二氏千歲而比肩也。不亦宜乎。往年醫斷出。則若夫金科玉條乎。腐論迂說者。瞠然疑之。愕然駭之。匆匆彈之。訕訕拒之。或自覺昨非。以思改轍。而以日莫途遠。倒行逆施。或闔然自揜。寄託遺簪弊履。乃巧其遁辭。鬻其苦竄者。或託神奇其道。假儒飾其業。乃謂攻異端斯害已者。亦有之。如思折伯牙之指。願摧王良之手者。亦有之。余聞之人言。稍黠者。陽排斥東洞。譙訶其說。陰瞞抄其著稿。用以爲帳秘。而緣飾其術。往往取其效者。亦有之。亦惟繫縛於名。漠屑於利也。雖然。醫斷已出。牖後進。杖心旨。乃染指于古。或千里負笈。委然就學。或聞風而弗然興者。不爲不多矣。古人云。涉淺水者見蝦。其頗深者察魚鼈。其尤者觀蛟龍焉。知世不有深入於刀圭之道者乎。則知東洞者。何候後世乎。其著藉追踵出。則又焉知不有初睥睨者。心竊若小巫於翁。而神氣竭耶。聞者刊其類聚方。是亦不啻設左右廣。而導之前茅也。一日謂余曰。世謀其著之顯。而請其序也。或以貴。或以名。假其燿輝。余也不然。幸以子之識爲則也。題一言。夫名之剖發於海內。此藉自白矣。且欽錄不知醫事者也。何爲重於此舉。但書諄誨其徒之緒餘。以爲序。是已。已而豈足盡東洞翁乎。豈足盡東洞翁乎。

寶曆癸未之春。美濃武欽錄撰

## 類聚方自序

醫之學也。方焉耳。炎黃氏邈矣。靡得而聞已。周室之盛。以療萬民之病。則有醫職之設。其既有醫職之設。其法豈可不精焉。惜夫官失其職。籍滅其傳。迷方之士。奚所得其門而入之。而觀藥劑之富。法術之妙乎。後有曰扁鵲者。謂秦越人也。名著天下。余初讀其傳。少覺疾醫之法。竊以爲己師。然而扁鵲之沒也。籍亦不傳。吾雖有所嚮者。其奈之何。當漢之時。張氏之爲方也。雖復稍後扁鵲。而其藥劑之富。法術之存。蓋莫古焉。而醫之學也。方焉耳。吾亦何求。疾醫之法。其可以復耶。曰。何不可也。吾常恨其世之與時移。籍非其舊。將稽之諸家。以復之於古。仲景氏。吾如爾何。自漢已降。以人籍。孰可以憲章者。吾其捨此亦何依。遂以扁鵲爲法。臨張氏之籍。久之而後知扁鵲之與張氏醫法一也。乃今而後。味之淄澠可以辨。見之毫釐可以晰。而後若置其身於千載之上。親受其指揮也。蓋夫張氏之籍之難讀也。方之與證之散在諸篇。使夫學者惑焉。今也列而類之。附以己所見。其有疑者。矩之以方焉。名曰類聚方。庶幾使夫學者。雖非易牙。淄澠可以味矣。雖非離婁。毫釐可以見矣。遂命剗剗之師。遺之篤信好古之士云爾。寶曆壬午夏六月阿岐吉益爲則撰。



## 凡例

始我先生之編類聚方也。軌在左右。躬受其凡例。此書之就成也。軌之所錄。其凡之例。亦已備矣。乃不敢私之。敢措諸卷首。以布諸同志之士。乃我先生之編類聚方也。凡例如左。

一昔者張氏之書。其散軼也久矣。晉大醫令王氏叔和。集爲之次。至今學者受其賜矣。雖然。叔和其識之未優也。加以私言。玆夫燕石。俄然收之。而後之讀之。亦不知擇焉。見以爲一圭一璧。此盡希世之寶也。嗚呼可悲夫。乃今悉取其空言虛語也。臆說理義也。痛極刪削。然後譬之崑崙玄圃。無非圭璧者。此所以爲仲景雪冤。而爲學者發贖也。

一仲景之書。蓋一而已。岐爲二三。別病頒方。抑亦後人之撰乎。夫醫之處方也。隨證以移。惟其於同也。萬病一方。惟其於變也。一毒萬方。故雞壺彖零。時爲帝也。董及桔梗。互爲宰也。奇乎正乎。縱橫取舍。醫師之術也。此書本不別病也。不頒方也。亦其志之所存乎。

一蓋方之所貴也。不在古今。期于治疾。論之所貴也。不在新故。期于有事。故方能治疾也。不問古今。論若繫于事也。不在新故。惟是所以汲汲于治疾也。

一諸方以類就位。又以類之變。猶入卦之旋爲六十有四乎。其慎斯術也。以往其方之用。與藥之能。可得而言矣。

一原文有舉脈之例。而措病之證焉。有稱病之名。而略形之狀焉。凡今學者。宜以此推彼矣。

一諸方或無其證也。證或無其方也。則據傍例。攙撫之。加諸爲則之按焉者。以異於其舊。蓋皆不苟用私說也。於藥徵乎見之。

一仲景之書。方之與證。其所載也。散在諸篇。如觀其證之全也。固非急索焉。而所能得矣。今之於舊。萃也。無有孑遺矣。

一諸方而在於諸論之中。無一不載焉。其空言虛語。臆說理義。既已非夫疾醫之事。則域焉而異之。所以燭乎昧行之徒也。亦惡其辭而域焉。終沒其證也。是故。有域焉而刪焉者。有域焉而指隨焉者。凡其學者。其能詳之矣。

一凡其不試者。十有八方也。附之于後。以俟後世之君子。不敢空斷矣。又不敢撰次矣。

# 類聚方目錄

桂枝湯	一	桂枝加龍骨牡蠣湯	六
桂枝加桂湯	三	桂枝去芍藥加蜀漆龍骨牡蠣湯	七
桂枝加芍藥湯	三	桂枝加芍藥生薑人參湯	七
桂枝去芍藥湯	三	桂枝二麻黃一湯	七
桂枝加葛根湯	三	桂枝二「越婢」一湯	八
栝蘘桂枝湯	四	桂枝麻黃各半湯	八
桂枝加黃耆湯	四	小建中湯	八
桂枝加芍藥大黃湯	四	黃耆「建中」一湯	九
桂枝加厚朴杏子湯	四	黃耆桂枝五物湯	九
烏頭桂枝湯	四	黃耆桂枝苦酒湯	九
桂枝加附子湯	五	桂枝甘草湯	一〇
桂枝去芍藥加附子湯	五	半夏散	一〇
桂枝附子湯	五	桂枝甘草附子湯	一〇
桂枝附子去桂加朮湯	六	桂枝甘草龍骨牡蠣湯	一〇
桂枝去桂加苓朮湯	六	桂枝人參湯	一〇
桂薑棗草黃辛附湯	六	人參湯	一一
桂枝去芍藥加皂莢湯	六	茯苓甘草湯	一一



茯苓杏仁甘草湯	一二	栝蘗瞿麥丸	一七
茯苓戎鹽湯	一二	麻黃湯	一八
葵子茯苓散	一二	麻黃加朮湯	一八
苓薑朮甘草湯	一二	麻黃甘草湯	一九
苓桂朮甘草湯	一三	麻黃附子甘草湯	一九
苓桂甘棗湯	一三	麻黃附子細辛湯	一九
苓桂五味甘草湯	一三	麻黃杏仁甘草石膏湯	一九
苓甘五味薑辛湯	一四	麻黃杏仁薤白甘草湯	二〇
苓甘薑味辛夏湯	一四	牡蠣湯	二〇
苓甘薑味辛夏仁湯	一四	麻黃醇酒湯	二〇
苓甘薑味辛夏仁黃湯	一四	半夏麻黃丸	二一
茯苓澤瀉湯	一五	小青龍湯	二一
澤瀉湯	一五	大青龍湯	二一
五苓散	一五	文蛤湯	二二
茵陳五苓散	一六	「越婢」湯	二三
猪苓湯	一六	「越婢」加朮湯	二三
猪苓散	一六	「越婢」加半夏湯	二三
牡蠣澤瀉散	一七	葛根湯	二三
八味丸	一七	葛根加半夏湯	二三

葛根黃連黃芩湯·····	二四	大黃甘遂湯·····	三五
小柴胡湯·····	二四	抵當湯·····	三五
柴胡加芒消湯·····	二七	抵當丸·····	三六
柴胡去半夏加栝實湯·····	二七	橘皮大黃朴消湯·····	三六
柴胡加桂枝湯·····	二七	大黃消石湯·····	三六
柴胡薑桂湯·····	二七	大黃牡丹皮湯·····	三六
柴胡龍骨牡蠣湯·····	二八	大黃甘草湯·····	三七
大柴胡湯·····	二八	調胃承氣湯·····	三七
白虎湯·····	二九	桃核「承氣」湯·····	三八
白虎加人參湯·····	二九	下瘀血湯·····	三八
白虎加桂枝湯·····	三〇	土瓜根散·····	三八
小「承氣」湯·····	三〇	甘草湯·····	三九
厚朴三物湯·····	三一	桔梗湯·····	三九
厚朴七物湯·····	三一	排膿湯·····	三九
大「承氣」湯·····	三二	芍藥甘草湯·····	三九
大黃黃連「瀉心」湯·····	三四	甘遂半夏湯·····	四〇
「瀉心」湯·····	三四	芍藥甘草附子湯·····	四〇
附子「瀉心」湯·····	三五	甘麥大棗湯·····	四〇
大黃附子湯·····	三五	甘草粉蜜湯·····	四〇

生薑甘草湯	四〇	梔子豉湯	四六
甘草乾薑湯	四一	梔子甘草豉湯	四七
四逆湯	四一	梔子生薑豉湯	四七
「通脈」四逆湯	四二	枳實梔子豉湯	四七
四逆加人參湯	四三	梔子大黃豉湯	四八
茯苓四逆湯	四三	茵陳蒿湯	四八
「通脈」四逆加豬膽汁湯	四三	梔子梔皮湯	四八
乾薑附子湯	四三	梔子厚朴湯	四八
附子粳米湯	四三	梔子乾薑湯	四九
薏苡附子散	四四	大陷胸湯	四九
薏苡附子敗漿散	四四	大陷胸丸	五〇
白通湯	四四	小陷胸湯	五〇
白通加豬膽汁湯	四四	栝蒌薤白白酒湯	五〇
大烏頭煎	四五	栝蒌薤白半夏湯	五〇
烏頭湯	四五	瓜蒂散	五一
赤丸	四五	文蛤散	五一
真武湯	四六	大半夏湯	五一
附子湯	四六	小半夏湯	五一
天雄散	四六	生薑半夏湯	五二

小半夏加茯苓湯	五二	白頭翁加甘草阿膠湯	五七
半夏苦酒湯	五二	木防己湯	五七
半夏厚朴湯	五三	木防己去石膏加茯苓芒消湯	五八
半夏乾薑散	五三	防己茯苓湯	五八
乾薑人參半夏丸	五三	防己黃耆湯	五八
半夏「瀉心」湯	五三	枳實芍藥散	五八
甘草「瀉心」湯	五四	枳朮湯	五九
生薑「瀉心」湯	五四	排膿散	五九
吳茱萸湯	五四	桂枝枳實生薑湯	五九
厚朴生薑半夏甘草人參湯	五五	枳實蘼白桂枝湯	五九
黃連湯	五五	橘皮枳實生薑湯	六〇
乾薑黃連黃芩人參湯	五五	茯苓飲	六〇
大「建中」湯	五五	橘皮竹茹湯	六〇
黃連阿膠湯	五六	橘皮湯	六〇
黃芩湯	五六	桂枝茯苓丸	六〇
黃芩加半夏生薑湯	五六	芎歸膠艾湯	六一
六物黃芩湯	五六	旋覆花代赭石湯	六一
三物黃芩湯	五六	赤石脂禹餘糧湯	六一
白頭翁湯	五七	桃花湯	六二

大猪膽汁·····	六二	麥門冬湯·····	六六
蜜煎導·····	六二	雄黃熏·····	六六
酸棗仁湯·····	六二	頭風摩散·····	六七
葶歷大棗「瀉肺」湯·····	六三	皂莢丸·····	六七
麻子仁丸·····	六三	葶藶湯·····	六七
己椒瀝黃丸·····	六三	當歸生薑羊肉湯·····	六七
蜀漆散·····	六三	蒲灰散·····	六七
十棗湯·····	六四	滑石白魚散·····	六八
桔梗白散·····	六四	猪膏髮煎·····	六八
走馬湯·····	六五	柏葉湯·····	六八
備急圓·····	六五	黃土湯·····	六八
礬石湯·····	六五	雞屎白散·····	六八
消礬散·····	六五	蜘蛛散·····	六八
礬石丸·····	六六	當歸芍藥散·····	六九
蛇床子散·····	六六	歸母苦參丸·····	六九
不試方十八方·····		狼牙湯·····	六九
竹葉石膏方·····	六六	小兒疳蟲蝕齒方·····	六九

# 類聚方

藝陽吉益爲則公言撰

門人石陽中邨貞治子亨校

桂枝湯。桂枝三兩。芍藥三兩。甘草二兩。生薑三兩。大棗十二枚。

右五味。以水七升。微火煮取三升。去滓。適寒溫。服一升。服已。須臾。歔熱稀粥一升餘。以助藥力。溫覆令一時許。遍身絳熱。微似有汗者。益佳。不可令如水淋漓。病必不除。若一服汗出。病差。停後服。不必盡劑。若不汗。更服。依前法。又不汗。後服小促其間。半日許。令三服盡。若病重者。一日一夜服。周時觀之。服一劑盡。病證猶在者。更作服。若汗不出者。乃服至二三劑。

「太陽中風。陽浮而陰弱。陽浮者熱自發。陰弱者汗自出。奮奮惡寒。淅淅惡風。翕翕發熱。鼻鳴乾嘔者。」「太陽病。」頭痛發熱。汗出惡風者。一太陽病下之後。其氣上衝者。可與桂枝湯。方用前法。若不上衝者。不可與之。一太陽病。初服桂枝湯。反煩不解者。一先刺風池。風府。卻與桂枝湯則愈。一太陽病。一二日已發汗。若吐若下。若溫鍼。仍不解者。此爲壞病。桂枝不中與也。觀其脈證。知犯何逆。隨證治之。一桂枝本爲解肌。若其人脈浮緊。發熱汗不出者。不可與也。常須識此。勿令誤也。一若酒客病。不可與桂枝湯。得湯則嘔。以酒客不喜甘。



故也。」「太陽病外證未解，脈浮弱者，當以汗解。」「太陽病外證未解者，不可下也。下之爲逆，欲解外者。」「太陽病先發汗不解，而復下之，脈浮者不愈，浮爲在外，而反下之，故令不愈。今脈浮，故知在外，當須解外則愈。」「病常自汗出者，此爲榮氣和，榮氣和者，外不諧，以衛氣不共榮氣和諧故爾。以榮行脈中，衛行脈外，復發其汗，榮衛和則愈。」病人「藏」無他病，時發熱，「自汗出而不愈者，此衛氣不和也。」先其時發汗則愈。「傷寒」不大便六七日，頭痛有熱者，與承氣湯。「其小便利者，知不在裏，仍在表也。當須發汗。若頭痛者，必衄。」「傷寒」發汗解，半日許復煩，脈浮數者，「可更發汗。」「傷寒」醫下之，續得下利，清穀不止，身疼痛者，「急當救裏。」後身疼痛，清便自調者，「急當救表，救裏」宜四逆湯。「救表」桂枝湯。「太陽病」發熱汗出者，「此爲榮弱衛強，故使汗出，欲救邪風者。」「傷寒」大下後，復發汗，心下痞，惡寒者，「表」未解也，不可攻痞，「當先解表，解表乃可攻痞，解表」宜桂枝湯，攻痞宜大黃黃連瀉心湯。「陽明病」脈遲汗出多，微惡寒者，「表未解也，可發汗。」病人煩熱，汗出則解，又如瘧狀，日晡所發熱者，「屬陽明也。」脈實者，宜下之。脈浮虛者，宜發汗下之。與大承氣湯，發汗宜桂枝湯。「太陰病，脈浮者可發汗。」下利，腹脹滿，身體疼痛者，「先溫其裏，乃攻其表，溫裏」四逆湯，「攻表」桂枝湯。吐利止，而身痛不休者，當消息和解。

「其外。」宜桂枝湯。少和之。下利後，身疼痛，清便自調者，「急當救表。」宜桂枝湯。「發汗。」「婦人得平脈，陰脈小弱，其人渴不能食，無寒熱，名妊娠。」桂枝湯主之。於法六十日，當有此證，設有醫治逆者，卻一月加吐下者，則絕之。」「產後中風」續之數十日不解，頭微痛，惡寒，時時有熱，心下悶，乾嘔，汗出雖久，「陽旦」證續在耳。服桂枝湯，大汗出，脈洪大者，與桂枝湯加前法。「若形如瘧」日再發者，汗出必解，宜桂枝二麻黃一湯。

桂枝加桂湯。於桂枝湯方內加桂二兩。

燒鍼令其汗，鍼處被寒，核起而赤者，必發奔豚氣，從少腹上衝心者，灸其核上各一壯，與桂枝加桂湯。

桂枝加芍藥湯。於桂枝湯方內加芍藥三兩。

「本太陽病，醫反下之，因爾。」腹滿時痛者，「屬太陰也。」

爲則按，腹滿時痛者，即拘急而痛也，是以芍藥爲主藥。

桂枝去芍藥湯。於桂枝湯方內去芍藥。

「太陽病下之後，」脈促胸滿者，桂枝去芍藥湯主之。若微惡寒者，去芍藥方中加附子湯主之。

爲則按，不拘急故去芍藥也。

桂枝加葛根湯。於桂枝湯方內加葛根四兩。

「太陽病，」項背強几几，反汗出惡風者，

栝蔞桂枝湯。於桂枝湯方內加栝蔞根二兩。

「太陽病。」其證備。身體強。几几然。一脈反沈遲。此爲瘧。」

爲則按。桂枝湯之症。而渴者主之。

桂枝加黃耆湯。於桂枝湯方內加黃耆二兩。

「黃汗之病。兩脛自冷。假令發熱。此屬歷節。食已汗出。又身常暮盜汗出者。此勞氣也。若汗出已。反發熱者。久久其身必甲錯。發熱不止者。必生惡瘡。若身重汗出。已輒輕者。久久必身瞶。即胸中痛。」又從腰以上。必汗出。下無汗。腰髀弛痛。如有物在皮中狀。劇者。不能食。身疼重煩躁。小便不利。此「爲黃汗。」「諸病黃家。但利其小便。假令脈浮。當以汗解之。」

爲則按。黃耆主治皮膚水氣。可考藥微。

桂枝加芍藥大黃湯。於桂枝加芍藥方內加大黃一兩。

「本太陽病。醫反下之。因爾。」腹滿時痛者。一屬太陰也。桂枝加芍藥湯主之。大實痛者。桂枝加大黃主之。

爲則按。桂枝加大黃湯。因桂枝加芍藥湯加大黃者也。故方名從之。

桂枝加厚朴杏子湯。於桂枝湯方內加厚朴二兩。杏子五十個。喘家作

桂枝湯。加厚朴杏子佳。一「太陽病下之。」微喘者。一表未解故也。」

爲則按。當有胸滿輕。

烏頭桂枝湯。烏頭五枚。

右一味以蜜二斤煎減半去滓。以桂枝湯五合解之。得一升後。初服二合。不知即服三合。又不知。復加至五合。其知者。加醉狀得吐者。爲中病。一寒証。腹中痛逆冷。手足不仁。若身疼痛。灸刺諸藥不能治。抵當用此方。

爲則按。是烏頭煎而合桂枝湯方也。當列烏頭煎方下。今列之桂枝加附子湯者。示其異也。又按煎法。可依大烏頭煎之法。

桂枝加附子湯。於桂枝湯方內加附子一枚。

「太陽病。」發汗遂漏不止。其人惡風。小便難。四支微急。難以屈伸者。

桂枝去芍藥加附子湯。於桂枝去芍藥湯方內加附子一枚。

「太陽病下之後。」脈促胸滿者。桂枝去芍藥湯主之。若微惡寒者。去芍藥方中加附子湯主之。

桂枝附子湯。桂枝四兩。附子三枚。生薑三兩。甘草二兩。大棗

十二枚。

右五味。以水六升。煮取二升。去滓。分溫三服。

「傷寒入九日。風濕相搏。」身體疼煩。不能自轉側。不嘔。不渴。一脈浮虛而澀者。桂枝附子湯主之。若其人大便鞭。小便自利者。去桂枝加朮湯主之。

爲則按。當有上衝證。此方與桂枝去芍藥加附子湯同。而治與方名異。彼方下曰。微惡寒。此方下曰。身體疼煩。惡寒輕。疼煩重。獨在附子之多少也已。

桂枝附子去桂加朮湯。於桂枝附子湯方內去桂加朮四兩。

右五味以水三升煮取一升。夫痺分溫三服。一服覺身痺。半日許再服。三服都盡。其人如冒狀。勿怪。即是朮附並走皮中。逐水氣未得除故耳。「傷寒」八九日。風濕相搏。身體疼煩。不能自轉側。不嘔。不渴。一脈浮虛而澹者。桂枝附子湯主之。若大便鞭。小便自利者。

爲則按。桂枝附子湯證。而無衝逆者也。

桂枝去桂加苓朮湯。於桂枝湯方內去桂加苓朮各三兩。

服桂枝湯。或下之。仍頭項強痛。翕翕發熱。無汗。心下滿。微瀉。小便不利者。

爲則按。當有心下悸之證。

桂薑棗草黃辛附湯。桂枝三兩。生薑三兩。甘草二兩。大棗十二

枚。麻黃。細辛各二兩。附子一枚。

右七味以水七升。煮麻黃去上沫。內諸藥煮取二升。分溫三服。當汗出。如蟲行皮中。即愈。「氣分」心下堅大如盤。邊如旋杯。「水飲所作」。

爲則按。證不備也。此方合桂枝去芍藥湯與麻黃附子細辛湯也。雖當於二方之下求也。藥微有辨。

桂枝去芍藥加皂莢湯。於桂枝湯方內。夫芍藥加皂莢二枚。

「肺痿」吐涎沫者。

桂枝加龍骨牡蠣湯。於桂枝湯方內。加龍骨牡蠣各三兩。

夫失精家。小腹弦急。陰頭寒。目眩髮落。「脈極虛。孔遲爲清。數亡血失

精，脈得諸孔動微緊。」男子失精，女子夢交。

爲則按。當有胸腹動經。

桂枝去芍藥加蜀漆龍骨牡蠣湯。

桂枝三兩，甘草二兩，生薑三兩，牡蠣五兩，大棗十二枚，蜀

漆三兩，龍骨四兩。

右爲末，以水一斗二升，先煮蜀漆，減二升，內諸藥，煮取三升，去滓，溫服一升。

「傷寒脈浮。」醫以火迫卻之，「亡陽」必驚狂，起臥不安者，「火邪也。」

爲則按。當有胸腹動而衝逆之證。

桂枝加芍藥生薑人參湯。於桂枝湯方內，加芍藥生薑各一兩，人參三兩。

發汗後身疼痛，脈沈遲者。

爲則按。當有心下痞鞭，或拘急，或嘔證。

桂枝二兩，黃一兩，湯。桂枝一兩十七銖，芍藥一兩六銖，麻黃十六銖。

生薑一兩六銖，杏仁十六個，甘草一兩二銖，大棗五枚。

右七味，以水五升，先煮麻黃一二沸，去上沫，內諸藥，煮取二升，去滓，溫服一升，日再服。桂枝湯，大汗出，脈洪大者，「與桂枝湯，如前法。若形如瘧，日再發者，汗出必解。」



桂枝二兩越婢一湯。桂枝 芍藥 甘草各十八銖。生薑一兩三銖。大棗四枚。麻黃十八銖。石膏二十四銖。右七味。以水五升。煮麻黃一二沸。去上沫。內諸藥。煮取二升。去滓。溫服一升。

「太陽病。」發熱惡寒。熱多寒少。脈微弱者。此無陽也。不可發汗。桂枝麻黃各半湯。桂枝一兩十六銖。芍藥 生薑 甘草 麻黃各一兩。大棗四枚。杏仁二十四個。

右七味。以水五升。先煮麻黃一二沸。去上沫。內諸藥。煮取一升八合。去滓。溫服六合。

「太陽病。得之八九日。如瘧狀。」發熱惡寒。熱多寒少。其人不嘔。清便欲自可。一日二三度發。脈微緩者。為欲愈也。「脈微而惡寒者。此陰陽俱虛。不可更發汗。更下更吐也。」面色反有熱色者。未欲解也。以其不能得少汗出身必痒。

小建中湯。桂枝三兩。甘草三兩。大棗十二枚。芍藥六兩。生薑三兩。膠飴一升。

右六味。以水七升。煮取三升。去滓。內膠飴。更上微火消解。溫服一升。日三服。「嘔家不可用建中湯。以甜故也。」

「傷寒。陽脈遲。陰脈弦。法當」腹中急痛者。先與小建中湯。不差者與小柴胡湯主之。「傷寒二三日。」心中悸而煩者。「虛勞」裏急。

悸亂。腹中痛。夢失精。四肢痠痛。手足煩熱。咽乾口燥。便自利。「婦人」腹中痛。「男子」黃小。

爲則按。當有腹中拘急之證。其方類芍藥甘草湯也。

黃耆「建中」湯。於小建中湯方內加黃耆一兩半。

「虛勞」裏急「諸不足」。

爲則按。當有盜汗黃汗之證。又曰。桂枝加芍藥湯當入于此。而以有桂枝之名列于彼也。

黃耆桂枝五物湯。黃耆三兩。芍藥三兩。桂枝三兩。生薑六兩。

大棗十二枚。

右五味。以水六升。煮取二升。溫服七合。日三服。

「血痺病從何得之。師曰。夫尊榮人。骨弱肌膚盛。重困疲勞。汗出。臥不時。動搖加被微風。遂得之。但以脈自微。澹在寸口關上。小緊宜鍼。引陽氣。令脈和。緊去則愈。血痺陰陽俱微。寸口關上微。尺中小緊。外證」身體不仁。如「風痺」狀。

爲則按。桂枝加黃耆湯證。而嘔無急迫者。

黃耆桂枝苦酒湯。黃耆五兩。芍藥三兩。桂枝三兩。

右三味。以苦酒一升水七升相和。煮取三升。溫服一升。當心煩服至六七。日乃解。「若心煩不止者。以苦酒阻故也。」

黃汗之爲病。身體腫。發熱。汗出。而渴。狀如「風水」。汗沾衣。色正黃。如藥汁。「脈自沈。何從得之。師曰。以汗出入水中。浴水從汗孔入得之。」

桂枝甘草湯。桂枝四兩。甘草二兩。

右二味。以水三升。煮取一升。去滓頓服。發汗過多。其人叉手自冒心。

心下悸。欲得按者。

爲則按。當有急迫證。

半夏散。半夏。桂枝。甘草各等分。

已上三味。各別搗篩。已合治之。白飲和服。方寸匕。日三服。若不能散服者。以水一升。煎七沸。內散兩方寸匕。更煎三沸。下火。令少冷。少少嚥之。一少陰病。咽中痛。

桂枝甘草附子湯。甘草二兩。附子二枚。朮二兩。桂枝四兩。

右四味。以水六升。煮取三升。去滓。溫服一升。日三服。初服得微汗。則解。能食。汗出。復煩者。服五合。恐一升多者。服六七合。一風濕相搏。骨節疼痛。煩。掣痛不得屈伸。近之則痛劇。汗出。短氣。小便不利。惡風。不欲去衣。或身微腫者。

爲則按。當有衝逆之證。

桂枝甘草龍骨牡蠣湯。桂枝一兩。甘草二兩。牡蠣二兩。龍骨二

兩。

右爲末。以水五升。煮取二升半。去滓。溫服八合。日三服。一火逆下之。因燒鍼。煩躁者。

桂枝人參湯。桂枝四兩。甘草四兩。朮三兩。人參三兩。干薑三

雨。

右五味以水九升。先煮四味。取五升。內桂。更煮取三升。溫服一升。日再夜一服。「太陽病。外證未除。而數下之。遂協熱而利。一利下不止。心下痞鞭。表裏不解者。」

人參湯。

連中丸也。

人參。

甘草。

朮。

干薑各三兩。

右四味。搗篩爲末。蜜和丸。如雞黃大。以沸湯數合。和一丸研碎。溫服之。日三服。夜二服。腹中未熱。益至三四丸。然不及湯。湯法以四物。依兩數功。用水八升。煮取三升。去滓。溫服一升。日三服。「加減法。若臍上築者。腎氣動也。去朮加桂四兩。吐多者。去朮加生薑三兩。下多者。還用朮。悸者。加茯苓二兩。渴欲得水者。加朮足前成四兩半。腹中痛者。加人參。足前成四兩半。寒者。加干薑。足前成四兩半。腹滿者。去朮加附子一枚。」服湯後。如食頃。飲熱粥一升許。微自溫。勿發揭衣被。「霍亂。」頭痛。發熱。身疼痛。熱多欲飲水者。五苓散主之。寒多不用水者。「理中。」丸主之。「大病差後。喜睡。久不了了者。一胃上有寒。當以丸藥溫之。」「胸痺。」心中痞留。氣結在胸。胸滿。脇下逆搶心。枳實薤白桂枝湯主之。人參湯亦主之。

茯苓甘草湯。

茯苓二兩。

桂枝二兩。

生薑三兩。

甘草一兩。

右四味。以水四升。煮取二升。去滓。分溫三服。「傷寒。」汗出而渴者。五苓散主之。不渴者。「傷寒。」厥而心下悸者。「宜先治水。當服茯苓。」

甘草湯。卻治其厥。不爾水漬入胃。必作利也。」

爲則按。當有衝逆嘔吐證。

茯苓杏仁甘草湯。 茯苓三兩。 杏仁五十個。 甘草一兩。

右三味。以水一斗。煮取五升。溫服一升。日三服。不差更服。

「胸痺。」胸中氣塞。短氣。茯苓杏仁甘草湯主之。橘枳薑湯亦主之。

茯苓戎鹽湯。 茯苓半斤。 朮二兩。 戎鹽彈丸大一枚。

右三味。先將茯苓朮煎成。入鹽。再煎。分溫三服。

小便不利。蒲灰散主之。滑石白魚散。茯苓戎鹽并主之。

爲則按。當有心下悸證。又按。此方煎法不審。依他例。當以水六升。煮取三升。去滓內戎鹽一二沸。分溫三服。

葵子茯苓散。 葵子一斤。 茯苓三兩。

右二味。杵爲散。飲服方寸匕。日三服。小便利則愈。

「妊娠。」有水氣。身重。小便不利。洒淅惡寒。起卽頭眩。

爲則按。當有心下悸證。又按。葵子一斤。本草綱目作三兩。今從之。

苓薑朮甘湯。 甘草。 水各二兩。 干薑。 茯苓各四兩。

右四味。以水五升。煮取三升。分溫三服。「腰中卽溫。」

「腎著之病。」其人身體重。腰中冷。如坐水中。形如水狀。反不渴。小便自利。飲食如故。一病屬下焦。身勞汗出。衣裏冷濕。久久得之。腰以下冷痛。腰重如帶五千錢。

焉則按當有心下悸證。

苓桂朮甘湯。 茯苓四兩。 桂枝三兩。 朮二兩。 甘草二兩。

右四味以水六升。煮取三升。去滓。分溫三服。

傷寒若吐若下後。心下逆滿。氣上衝胸。起則頭眩。一脈沈緊。發汗則動經。身爲振振搖者。一 心下有痰飲。胸脇支滿。目眩。去短氣。有微飲。當從小便去之。苓桂朮甘湯主之。一腎氣。一丸亦主之。

苓桂甘棗湯。 茯苓半斤。 甘草三兩。 大棗十五枚。 桂枝四兩。

右四味以水一斗。先煮茯苓。減二升。內諸藥。取三升。去滓。溫服一升。日三服。

「發汗後其人」臍下悸者。欲作奔豚。

焉則按當有腹拘急證。

苓桂五味甘草湯。 茯苓四兩。 桂枝四兩。 甘草三兩。 五味子半升。

右四味以水八升。煮取三升。去滓。分溫三服。

欬逆倚息不得臥。小青龍湯主之。青龍湯下已多唾。口燥。一寸脈沈。尺脈微。一手足厥。逆氣從小腹上衝胸咽。手足痺。其面翕然如醉狀。因復下流陰股。小便難。時復冒者。與苓桂五味甘草湯。治其氣衝。

苓甘五味薑辛湯。 茯苓四兩。 甘草。 乾薑。 細辛各三兩。 五味子半升。

右五味以水八升。煮取三升。去滓。溫服半升。日三服。



衝氣卽低。而反更欬胸滿者。用桂苓五味甘草湯。去桂加乾薑細辛。以治其欬滿。

苓甘薑味辛夏湯。 茯苓四兩。 甘草。 細辛。 乾薑各二兩。 五味半夏各半升。

右六味。以水八升。煮取三升。去滓。溫服半升。日三服。欬滿卽止。而更復渴。衝氣復發者。「以細辛乾薑爲熱藥也。」服之。當遂渴而渴反止者。「爲支飲也。支飲者。」法當冒。冒者必嘔。嘔者復內半夏。「以去其水。」

苓甘薑味辛夏仁湯。 茯苓四兩。 甘草三兩。 五味半升。 乾薑三兩。 細辛三兩。 半夏半升。 杏仁半升。

右七味。以水一斗。煮取三升。去滓。溫服半升。日三服。水去嘔止。其人形腫者。加杏仁主之。「其證應內麻黃。以其人遂痺故不內之。若逆而內之者必厥。所以然者。以其人血虛。因麻黃發其陽故也。」

苓甘薑味辛夏仁黃湯。 茯苓四兩。 甘草三兩。 五味半升。 乾薑三兩。 細辛三兩。 半夏半升。 杏仁半升。 大黃三兩。 右八味。以水一斗。煮取三升。去滓。溫服半升。日三服。若面熱如醉。「此爲胃熱。上衝熏其面。加大黃以利之。」

爲則按。以上五方。當有驚悸肉瞤筋惕等證。

扶苓澤瀉湯。扶苓半升。澤瀉四兩。甘草二兩。桂枝二兩。朮三兩。生薑四兩。

右六味以水一斗煮取三升。內澤瀉再煮取二升半。溫服八合。日三服。一胃反吐而渴欲飲水者。

為則按當有心下悸或小便不利證。

澤瀉湯。澤瀉五兩。朮二兩。

右二味以水二升煮取一升。分溫再服。心下有「支飲」其人苦冒眩。

五苓散。猪苓十八銖。澤瀉一兩六銖半。扶苓十八銖。桂枝半兩。

朮十八銖。

右五味為末以白飲和服。方寸匕。日三服。多飲暖水。汗出愈。

「太陽病發汗後。大汗出。胃中乾。煩燥不得眠。欲得飲水者。少少與飲之。令胃氣和。則愈。」若脈浮。小便不利。微熱消渴者。發汗已。脈浮數。煩渴者。一「中風。一發熱六七日。不解而煩。一有表裏證。一渴欲飲水。水入則吐者。一名曰水逆。」一病在陽。應以汗解之。一反以冷水瀉之。若灌之。其熱被劫不得去。彌更益煩。肉上粟起。意欲飲水。反不渴者。服文蛤散。若不差者。與五苓散。一寒實結胸。一無熱證者。與三物小陷胸湯。白散亦可服。一「太陽病。寸緩關浮尺弱。其人發熱。汗出。復惡寒。不嘔。但心下痞者。此以醫下之也。如其不下者。病人不惡寒而渴者。此

轉屬陽明也。」小便數者，大便必鞭，不更衣十日，無所苦也。渴欲飲水，少少與之，但以法救之。渴者，「霍亂」頭痛發熱，身疼痛，熱多欲飲水者，五苓散主之。寒多不用水者，理中丸主之。「傷寒」汗出而渴者，五苓散主之。不渴者，茯苓甘草湯主之。「男子」消渴，小便反多，以飲一斗，小便一斗，腎氣丸主之。脈浮，小便不利，微熱消渴者，宜利小便發汗。「假令瘦人」臍下有悸，吐涎沫而顛眩，此水也。「本以下之，故心下痞，與瀉心湯，痞不解，其人渴而口燥煩，小便不利者。」

茵陳五苓散。茵陳蒿末十分。五苓散五分。

右二物。「和先食」飲方寸匕，日三服。

「黃疸」病。

爲則按，當有小便不利或渴證。

猪苓湯。猪苓、茯苓、阿膠、滑石、澤瀉各一兩。

右五味，以水四升，先煮四味，取二升，去滓，內下阿膠，烱消，溫服七合，日三服。若脈浮，發熱，渴欲飲水，小便不利者，「陽明病，汗出多而渴者，不可與猪苓湯，以汗多胃中燥，猪苓湯復利其小便故也。」「少陰病」下利六七日，欬而嘔渴，心煩不得眠者，

爲則按，當有便膿血證。

猪苓散。猪苓、茯苓、朮各等分。

右三味，杵爲散，飲服方寸匕，日三服。

嘔吐而病在膈上，後思水者，解急與之思水者。

牡蠣澤瀉散。牡蠣、澤瀉、栝蒌根、蜀漆、葶藶、商陸根、海藻、

各等分。

右七味，異擣下篩為散，更入臼中治之，白飲和服，方寸匕，小便利止，後服日三服。

「大病差後，」從腰已下有水氣者，

為則按，當有胸腹有動或渴證。

八味丸。乾地黄八兩，山茱萸、薯蕷各四兩，澤瀉三兩，

茯苓三兩，牡丹皮三兩，桂枝、附子各一兩。

右八味末之，煉蜜和丸，梧子大，酒下十五丸，日再服。

「脚氣」上入小腹不仁，「虛勞」腰痛，少腹拘急，小便不利者，

夫短氣有「微飲」，當從小便去之。苓桂朮甘湯主之。「腎氣丸」亦

主之。「男子」消渴，小便反多，以飲一斗，小便一斗，腎氣丸主之。脈

浮，小便不利，微熱消渴者，宜利小便發汗，五苓散主之。「婦人病，飲

食如故，煩熱不得臥，而反倚息者，何也？曰：此名轉胞，不得溺也，以胞系

了戾，故致此病，但利小便則愈。」

為則按，外臺祕要作桂枝二兩，附子二兩，今從之。

栝蒌瞿麥丸。栝蒌根二兩，茯苓、薯蕷各三兩，附子一枚，瞿麥

一兩。

右五味末之。煉蜜丸。梧子大。飲服三丸。日三服。不知增至七八丸。以小便利。腹中溫爲知。一小便不利者。有一水氣。其人若渴。

爲則按當有心下悸證。

麻黃湯。麻黃三兩。桂枝二兩。甘草一兩。杏仁七十個。

右四味。以水九升。先煮麻黃。減二升。去上沫。內諸藥。煮取二升半。去滓。溫服八合。覆取微似汗。不須啜粥。餘加桂枝法將息。

一太陽病。一頭痛發熱。身疼。腰痛。骨節疼痛。惡風。無汗而喘者。一太陽與陽明合病。一喘而胸滿者。不可下。一太陽病。十日以去。一脈浮

細而嗜臥者。一外已解也。一設胸滿脇痛者。與小柴胡湯。脈但浮者。

一太陽病。一脈浮緊。無汗。發熱。身疼痛。八九日不解。一表證仍在此。當發其汗。服藥已微除。其人發煩目瞑劇者。必衄。一乃解。一所以然者。陽氣重故也。一脈浮者。病在表。可發汗。一脈浮而數者。可發汗。

一傷寒。脈浮緊。不發汗。因致衄者。一陽明中風。脈弦浮大。而

短氣。腹都滿。脇下及心痛。又按之。氣不通。鼻乾。不得汗。嗜臥。一身及面目悉黃。小便難。有潮熱。時時噦。耳前後腫。刺之小差。外不解。病過十日。脈續浮者。與小柴胡湯。脈但浮無餘證者。與麻黃湯。若不足。腹滿。加噦者。不治。一陽明病。一脈浮。無汗而喘者。發汗則愈。

麻黃加朮湯。於麻黃湯方內加朮四兩。

一濕家。一身煩疼。可與麻黃加朮湯。發其汗爲宜。慎不可以火攻之。

麻黃甘草湯。甘草二兩。麻黃四兩。

右二味。以水五升。先煮麻黃。去上沫。內甘草。煮取三升。溫服一升。重覆汗出。不汗再服。慎風寒。

「裏水。」越婢加朮湯主之。甘草麻黃湯亦主之。

爲則按。水病而腫脹。或喘。或自汗出。或無汗者。主之。

麻黃附子甘草湯。麻黃二兩。甘草二兩。附子一枚。

右三味。以水七升。先煮麻黃一兩。沸。去上沫。內諸藥。煮取三升。去滓。溫服一升。日三服。少陰病。得之二三日。麻黃附子甘草湯。微發汗。以二三日無裏證。故微發汗也。一水之爲病。其脈沈小。屬少陰。浮者爲風。無水虛脹者爲氣。水發其汗即已。脈沈者宜麻黃附子甘草湯。浮者宜杏子湯。

爲則按。當有惡寒證。

麻黃附子細辛湯。麻黃二兩。細辛二兩。附子一枚。

右三味。以水一斗。先煮麻黃。減二升。去上沫。內諸藥。煮取三升。去滓。溫服一升。日三服。少陰病。始得之。及發熱脈沈者。

爲則按。不可無惡寒之證。

麻黃杏仁甘草石膏湯。麻黃四兩。杏仁五十個。甘草二兩。石膏

半斤。

右四味。以水七升。先煮麻黃。減二升。去上沫。內諸藥。煮取一升。去滓。溫



服一升。一發汗後不可更行桂枝湯。汗出而喘，無大熱者。」金匱發汗後作下發。

為則按。當有煩渴證。

麻黃杏仁薏苡甘草湯。麻黃半兩。甘草一兩。薏苡仁半兩。杏仁

十個。

右剉。麻豆大。每服四錢匕。水半盞。煮八分。去滓。溫服。有微汗。避風。病者一身盡疼。發熱。日晡所劇者。一名風濕。此病傷於汗出當風。或久取冷所致也。」

為則按。當有喘滿證。外臺古今錄驗。作薏苡半斤。麻黃四兩。甘草杏仁各二兩。右四味。以水五升。煮取二升。分溫再服。汗出即愈。今從之。

牡蠣湯。牡蠣四兩。麻黃四兩。甘草二兩。蜀漆三兩。

右四味。以水八升。先煮蜀漆。麻黃。去上沫。得大升。內諸藥。煮取二升。溫服一升。若吐則勿更服。

「治牡瘧。」

為則按。麻黃甘草湯證。而胸腹有動者。主之。

麻黃醇酒湯。麻黃三兩。

右一味。以美酒五升。煮取二升半。頓服盡。

「冬月用酒。春月用水。煮之。」

「治黃疸。」

為則按。當有喘證。

半夏麻黃丸 半夏 麻黃 各分等。

右二味末之。煉蜜和丸。小豆大。飲服三丸。日三。心下悸者。

爲則按當有喘或嘔證。

小青龍湯 麻黃三兩 芍藥三兩 五味子半升 乾薑三兩 甘草

三兩 桂枝三兩 半夏半升 細辛三兩

右八味以水一斗。先煮麻黃減二升。去上沫。內諸藥。煮取三升。去滓。溫服一升。一加減法。若微利者。去麻黃加薤白如雞子。若渴者。去半夏加栝蒌根三兩。若噎者。去麻黃加附子一枚。若小便不利。少腹滿。去麻黃加茯苓四兩。若喘者。去麻黃加杏仁半升。

「傷寒表不解。」心下有水氣。乾嘔發熱。而咳或渴。或利。或噎。或小便不利。小腹滿。或喘者。「傷寒。」心下有水氣。欬而微喘。發熱不渴。一服湯已渴者。此寒去欲解也。」「病溢飲者。當發其汗。大青龍湯主之。小青龍湯亦主之。欬逆倚息不得臥。小青龍湯主之。青龍湯下已多。唾口燥。寸脈沉。尺脈微。手足厥逆。氣從小腹上衝胸咽。手足痺。其而翕然如醉狀。因復下流陰股。小便難。時復冒者。與茯苓桂枝五味甘草湯治其氣衝。」「婦人。」吐涎沫。醫反下之。心下即痞。當先治其吐涎沫。小青龍湯主之。涎沫止。乃治痞。瀉心湯主之。

大青龍湯 麻黃六兩 桂枝二兩 甘草二兩 杏仁四十個 生薑

三兩。大棗十二枚。石膏雞子大。

右七味。以水九升。先煮麻黃。減二升。去上沫。內諸藥。煮取三升。去滓。溫服一升。取微似汗。汗出多者。溫粉粉之。一服。汗者停後服。汗多亡陽。遂虛。惡風煩躁不得眠也。」

「太陽中風。」脈緊發熱惡寒身疼痛。不汗出而煩躁者。大青龍湯主之。若脈微弱。汗出惡風者。不可服。服之則厥逆。筋惕肉瞤。此為逆也。

「傷寒。」脈浮緩。身不疼。但重。乍有輕時。無少陰證者。大青龍湯發之。」後條辨論皆云。當是。小青龍湯證。今從之。

「發之。」後條辨論皆云。當是。小青龍湯證。今從之。

之小青龍湯亦主之。為則按。當有渴證。蓋厥逆以下。真武湯之證也。可考。

文蛤湯。文蛤五兩。麻黃。甘草。生薑各三兩。石膏五兩。杏仁

五十個。大棗十二枚。

右七味。以水六升。煮取二升。溫服一升。汗出即愈。」

吐衄渴欲得水而貪飲者。文蛤湯主之。兼主微風。脈緊。頭痛。

為則按。當有喘證。

「越婢湯。」麻黃六兩。石膏半斤。生薑三兩。大棗十五枚。甘

草二兩。

右五味。以水六升。先煮麻黃。去上沫。內諸藥。煮取三升。分溫三服。風水。惡風。一身悉腫。脈浮。不渴。續自汗出。無大熱。」

爲則按。大青龍湯證。而無咳嗽衝逆。有脚膝痛之變者主之。

不渴。當作湯。自汗出之下。當有或無汗字。

「越婢<sup>性</sup>」加水湯。於越婢湯方內加水四兩。

「裏水」者一身面目黃腫。其脈沈。小便不利。一故令病水。便加小便自利。此亡津液。故令渴也。一「裏水」越婢加水湯主之。甘草麻黃湯亦主之。一治內極熱。則身體津脫。腠理開。汗大泄。屬風氣下焦卻弱。

「越婢」加半夏湯。於越婢湯方內加半夏半升。

欬而上氣。一此爲肺脹。一其人喘。目如脫狀。脈浮大者。

爲則按。當有煩渴嘔逆證。

葛根湯。葛根四兩。麻黃三兩。桂枝二兩。芍藥二兩。甘草二兩。

生薑三兩。大棗十二枚。

右七味。以水一斗。先煮麻黃葛根。減二升。去沫。內諸藥。煮取三升。去滓。溫服一升。覆取微似汗。不須啜粥。餘如桂枝法。將息及一禁忌。一「太湯病。一項背強。几几無汗。惡風。一太陽與陽明合病者。必目下利。」一「太陽病。」無汗。面小便反少。氣上衝胸。口噤不得語。一欲作剛瘕。」

爲則按。合病併病說。非疾醫事也。

葛根加半夏湯。於葛根湯方內。加半夏半升。

「太陽與陽明合病。」不下利但嘔者。

葛根黃連黃芩湯。葛根半斤。甘草二兩。黃芩二兩。黃連三兩。

右四味以水八升。先煮葛根減二升。內諸藥。煮取二升。去滓。分溫再服。一太陽病。桂枝證。醫反下之。利連不止。一服促者表未解也。一端而汗出者。

為則按。當有項背強急心悸證。

小柴胡湯。柴胡半斤。黃芩三兩。人參三兩。甘草三兩。半夏半

升。生薑三兩。大棗十二枚。

右七味以水一斗二升。煮取大升去滓。再煎取三升。溫服一升。日三服。一後加減法。若胸中煩而不嘔。去半夏人參加枳實一枚。若渴者去半夏加人參合前成四兩半。枳實根四兩。若腹中痛者去黃芩加芍藥三兩。若脇下痞。去大棗加牡蠣四兩。若心下悸小便不利者去黃芩加茯苓四兩。若不渴外有微熱者去人參加桂三兩。溫覆取微汗愈。若欬者去人參大棗生薑加五味子半升乾薑二兩。一傷寒六七日中風。一往來寒熱胸脇苦滿。默默不欲飲食。心煩喜嘔。或胸中煩而不嘔。或渴或腹中痛。或脇下痞。或心下悸。小便不利。或不渴身有微熱。或欬者。一太陽病。十日以去。一脈浮細而嗜臥者。一外已解也。一設胸滿脇痛者。與小柴胡湯。脈但浮者。麻黃湯主之。一血弱氣盡。腠理開。邪氣因入。與正氣相搏結。於脇下正邪分爭。一往來寒熱。休作有時。默

默不欲飲食。「藏府相連其痛必下邪高痛下飲使嘔也。」服柴胡湯已渴者「屬陽明也。」以法治之。得病六七日。脈遲浮弱。惡風寒。手足溫。醫二三下之。不能食。而脇下滿痛。而目及身黃。頸項強。小便難者。與柴胡湯。「後必下重。本渴而飲水。嘔者。柴胡湯不中與也。食穀者噦。」「傷寒四五日。」身熱惡風。頸項強。脇下滿。手足溫而渴者。「傷寒陽脈微。陰脈弦。法當」腹中急痛者。先與小建中湯不差者。「傷寒中風。」有柴胡證。但見一證。便是不必悉具。凡柴胡湯病證而下之。若柴胡證不罷者。復與柴胡湯。必蒸蒸而振。卻發熱。汗出而解。「太陽病。過經十餘日。反」一二三下之。後四五日。柴胡證仍在者。先與小柴胡湯。嘔不止。心下急。鬱鬱微煩者。「爲未解也。」與大柴胡下之則愈。「傷寒十三日不解。」胸脇滿而嘔。日晡所發潮熱。已而微利。此本柴胡證。下之而不得利。今反利者。知醫以丸藥下之。非其治也。「潮熱者實也。」先宜小柴胡湯以解「外。」後以柴胡加芒消湯主之。婦人中風。七八日。續得寒熱。發作有時。經水適斷者。「此爲熱入血室。其血必結。故使如瘧狀發作有時。」「傷寒五六日。」頭汗出。微惡寒。手足冷。心下滿。口不欲食。大便鞭。脈細者。「此爲陽微結。必有表。復有裏也。脈沉亦在裏也。汗出爲陽微。假令純陰結。不得復其外證。悉入在裏。此爲半在裏半在外也。脈雖沈緊。不得爲少陰病。所以然者。陰不得有汗。今頭汗出。故知非少陰也。可與小柴胡湯。設不了了者。得



尿而解。「傷寒五六日」嘔而發熱者。柴胡湯證具。而以他藥下之。柴胡證仍在者。復與柴胡湯。此雖已下之。不爲逆。必蒸蒸而振。卻發熱汗出而解。若心下滿。而鞭痛者。「此爲結胸也。」大陷胸湯主之。但滿而不痛者。「此爲痞。」柴胡不中與之。宜半夏瀉心湯。「陽明病。」發潮熱。大便溏。小便自可。胸脇滿不去者。「陽明病。」脇下鞭滿。不大便。而嘔。舌上白苔者。可與小柴胡湯。上焦得通。津液得下。「胃氣」因和。身微然而汗出。解也。「陽明中風。」脈弦浮大。而短氣。腹部滿。脇下及心痛。又按之氣不通。鼻乾。不得汗。嗜臥。一身及面目悉黃。小便難。有潮熱。時時噦。耳前後腫。刺之小差。外不解。病過十日。脈續浮者。與小柴胡湯。脈但浮。無餘證者。與麻黃湯。若下利。腹滿。加噦者。不治。「一本太陽病不解。轉入少陽者。」脇下鞭滿。乾嘔。不能食。往來寒熱。「尙未吐下。」脈沈緊者。若已吐下。發汗。溫鍼。譫語。柴胡證罷。此爲壞病。知犯何逆。以法治之。嘔而發熱者。「傷寒」一差已後。更發熱者。小柴胡湯主之。「脈浮者。以汗解之。脈沈實者。以下解之。」諸黃腹痛而嘔者。「新產婦人。有三病。一者病瘕。二者病鬱冒。三者大便難。何謂也。曰新產血虛。多汗出。喜中風。故令病瘕。亡血復汗。寒多。故令鬱冒。亡津液。胃燥。故大便難。產婦鬱冒。其脈微弱。不能食。大便反堅。但頭汗出。所以然者。血虛而厥。厥而必冒。冒家欲解。必大汗出。以血虛下厥。孤陽上出。故頭汗出。所以產婦喜汗出者。亡陰血虛。陽氣獨盛。故當汗出。陰

陽乃復。」大便堅，嘔不能食。一婦人在草蓐，自發露得風，「四肢苦煩，熱頭痛者，與小柴胡湯，頭不痛但煩者，三物黃芩湯主之。」

柴胡加芒消湯，於小柴胡湯方內加芒消六兩。

「傷寒十三日不解，胸脇滿而嘔，日晡所發潮熱，已而微利，此本柴胡證，下之而不得利，今反利者，知醫以丸藥下之，非其治也。潮熱者實也，先宜小柴胡湯以解外，」後以柴胡加芒消湯主之。

爲則按：小柴胡湯證而有堅塊者，主之。

柴胡去半夏加栝蒌湯，於小柴胡湯方內去半夏加栝蒌根四兩。

治「瘧」病發渴者，亦治「勞瘧」。

爲則按：當有胸脇苦滿證。

柴胡加桂枝湯，桂枝、黃芩、人參各一兩，甘草一兩，半夏二合

半，芍藥一兩半，大棗六枚，生薑一兩半，柴胡四兩。

右九味，以水七升，煮取三升，去滓，溫服一升，日三服。

「傷寒六七日，發熱微惡寒，支節煩疼，微嘔，心下支結，「外證」未去者，」發汗多亡陽，譫語者，不可下，與柴胡桂枝湯，和其榮衛，以通津液，後自愈。」心腹卒中痛者，

柴胡薑桂湯，柴胡半斤，桂枝三兩，乾薑三兩，栝蒌根四兩，黃

芩三兩，牡蠣三兩，甘草二兩。

右七味，以水一斗二升，煮取六升，去滓再煎，取三升，溫服一升，日三服。

初服微煩。復服汗出。便愈。

「傷寒五六日。」已發汗而復下之。胸脇滿。微結。小便不利。渴而不嘔。但頭汗出。往來寒熱。心煩者。此爲未解也。一瘧。寒多。微有熱。或但寒不熱者。

爲則按。頭汗出者。是衝逆也。又曰。當有胸脇有動。證。

柴胡加龍骨牡蠣湯。半夏二合。大棗六枚。柴胡四兩。生薑  
人參。龍骨。鉛丹。桂枝。茯苓各一兩半。大黃二兩。牡蠣一  
兩半。

右十一味。以水八升。煮取四升。內大黃切如碁子。更煮一二沸。去滓。溫  
服一升。

「傷寒八九日下之。」胸滿煩驚。小便不利。讞語。一身盡重。不可轉側  
者。

爲則按。當有胸腹有動。證。玉函經無切如碁子四字。一二沸。作取二升。今從之。

大柴胡湯。柴胡半斤。黃芩三兩。芍藥三兩。半夏半升。生薑五  
兩。枳實四枚。大棗十二枚。

右七味。以水一斗二升。煮取六升。去滓再煎。溫服一升。日三服。一方用  
大黃二兩。若不加。大黃恐不爲大柴胡湯也。

「太陽病。過經十餘日。及一二三下之後。四五日。柴胡證仍在者。先與  
小柴胡湯。嘔不止。心下急。鬱鬱微煩者。」爲未解也。與大柴胡湯下

之則愈。「傷寒十餘日，熱結在裏，」復往來寒熱者，與大柴胡湯，但結胸無大熱者，「此爲水結在胸脇也。」但頭微汗出者，大陷胸湯主之。「傷寒」發熱汗出，不解，心下痞鞭，嘔吐面下利者，按之心下滿痛者，「此爲實也。」當下之。「傷寒後脈沈沈者，內實也。」下解之。爲則按：小柴胡湯證，而胸腹拘攣可下者，主之。又按：本方當有大黃，玉函經再煎下有取三升三字，又曰：一方已下注文也。

白虎湯。知母六兩。石膏一斤。甘草二兩。粳米六合。

右四味，以水一斗，煮米熟，湯成，去滓，溫服一升，日三服。

「傷寒脈浮滑，此表有熱，裏有寒。」「三陽合病，」腹滿身重，難以轉側，口不仁，而面垢，譫語遺尿，發汗則譫語，下之則額上生汗，手足逆冷，若自汗出者，「傷寒脈滑而厥者，裏有熱也。」

爲則按：以上三條，非白虎湯證，乃於白虎加人參湯條下辨之。又曰：煎法可從白虎加桂枝湯。

白虎加人參湯。於白虎湯方內加人參三兩。

服桂枝湯大汗出後，大煩渴不解，脈洪大者，「傷寒病，若吐若下，後

七八日不解，熱結在裏，表裏俱熱，」一時時惡風，大渴，舌上乾燥，而煩欲

飲水數升者，「傷寒」無大熱，口燥渴，心煩，背微惡寒者，「傷寒」服

浮，發熱無汗，「其表不解」者，不可與白虎湯，渴欲飲水，「無表證」者

若渴欲飲水，口乾舌燥者，

爲則按：已上四章，千金方作白虎湯主之，外臺亦同，而方後曰傷寒論方，今從之。

「太陽中熱者，喝是也。」汗出，惡寒，身熱而渴。

焉則按此方白虎湯證，而心下痞鞭者主之。

白虎加桂枝湯。於白虎湯方內加桂枝三兩。

右以水一斗五升，煮取八升，去滓，溫服。

「溫瘧者，其脈如平。」身無寒，但熱，骨節疼痛，時嘔。

焉則按當有煩渴衝逆證。

小「承氣」一湯。大黃四兩，厚朴二兩，枳實三枚。

已上三味，以水四升，煮取一升二合，去滓，分溫二服。初服湯當更衣，不爾者盡飲之。「若更衣者勿服之。」

「陽明病脈遲。」雖汗出不惡寒者，其身必重，短氣，腹滿而喘，有潮熱者。「此外欲解可攻裏也。」手足微然而汗出者，此大便已鞭也。大承氣湯主之。若汗多，微發熱，惡寒者。「外未解也。」其熱不潮，未可與承氣湯。若大便不通者，可與小承氣湯。「微和胃氣，勿令大泄下。」「傷寒」不大便六七日，頭痛有熱者，與承氣湯。其小便清者，一知不在裏，仍在表也。當須發汗。「若頭痛者，一必衄。」宜桂枝湯。「陽明病，」潮熱，大便微鞭者，可與大承氣湯。不鞭者不與之。若不大便六七日，恐有燥屎，欲知之法，少與小承氣湯。湯入腹中，轉失氣者，有燥屎，乃可攻之。若不轉失氣者，此但初頭鞭，後必溏，不可攻之。攻之必脹滿，不能食也。欲飲水者，與水則噦。其後發熱者，必大便復鞭而少也。以小承氣湯

和之。不轉失氣者，慎不可攻也。——「陽明病，其人多汗，以津液外出，胃

中燥。」大便必鞕，鞕則譫語。小承氣湯主之。若一服譫語止，更莫復服。

「陽明病」譫語，發潮熱，脈滑而疾者，小承氣湯主之。因與承氣湯

一升，腹中轉失氣者，更服一升。若不轉失氣，勿更與之。——「明日不大便，

脈反微澁者，裏虛也，爲難治，不可更與承氣湯也。」——「太陽病，」若

吐若下，若發汗，微煩，小便數，大便因鞕者，與小承氣湯和之，愈。——「得病

二三日，脈弱，無「太陽」柴胡證，煩躁，心下鞕，至四五日，雖能食，以小

承氣湯，少少與，微和之，令小安。至六日，與承氣湯一升。若不大便六七

日，小便少者，雖不能食，但初頭鞕，後必溏，未定成鞕，攻之必溏。須小便

利，屎定鞕，乃可攻之。宜大承氣湯。——下利譫語者，有燥屎也。——大便不

通，噦數，譫語者，

厚朴三物湯。厚朴八兩。大黃四兩。枳實五枚。

右三味，以水一斗二升，先煮二味，取五升，內大黃，煮取三升，溫服一升，

「以利爲度。」

痛而閉者，

爲則按，小承氣湯證，而腹滿甚。

厚朴七物湯。厚朴半斤。甘草三兩。大黃三兩。大棗十枚。枳實

五枚。桂枝二兩。生薑五兩。

右七味，以水一斗，煮取四升，溫服八合，日三服。——嘔者，加半夏五合，下



利去大黃。寒多者加生薑至半斤。病腹滿發熱十日。脈浮而數。飲食加故。

焉則按此方合厚朴三物桂枝湯。去芍藥湯而加生薑二兩也。由是觀之。當有二方之經。而上逆嘔噎。

大「承氣」湯。大黃四兩。厚朴半斤。枳實五枚。芒消三合。

右四味。以水一斗。先煮二物。取五升。去滓。內大黃。煮取二升。去滓。內芒消。更上火微煮。一兩沸。分溫再服。一得下。餘勿服。

「陽明病脈遲。」雖汗出不惡寒者。其身必重。短氣腹滿而喘。有潮熱者。一此外欲解可攻裏也。手足濇然而汗出者。此大便已鞕也。大承氣湯主之。若汗多微發熱惡寒者。一外未解也。一其熱不潮。未可與承氣湯。若腹大滿不通者。可與小承氣湯。一微和胃氣。勿令大泄下。

「陽明病。」潮熱大便微鞕者。可與大承氣湯。不鞕者。不與之。若不大便六七日。恐有燥屎。欲知之法。少與小承氣湯。湯入腹中。轉失氣者。此有燥屎。乃可攻之。若不轉失氣者。此但初頭鞕後必溏。不可攻之。攻之必脹滿不能食也。欲飲水者。與水則噦。其後發熱者。必大便復鞕而少也。以小承氣湯和之。不轉失氣者。慎不可攻也。一「傷寒」若吐若下。後不解。不大便五六日。上至十餘日。日晡所發潮熱。不惡寒。獨語加見鬼狀。若劇者發則不識人。循衣摸牀。惕而不安。微喘直視。一脈弦者生。牆者死。微者但發熱。一讞語者。大承氣湯主之。一若一脹利止後服。一「陽明病。」讞語有潮熱。反不能食者。一胃中必一有燥屎。一五六

枚」也。若能食者，但鞭爾。汗出讞語者，以有燥屎「在胃中」，此爲風也。須下之。「過經乃可下之」，下之若早，語言必亂，以表虛裏實故也。下之則愈。」「二陽併病，太陽證罷，但發潮熱，手足絳，汗出，大便難而讞語者，下之則愈。」「陽明病」，「下之，心中懊憹而煩」，「胃中」有燥屎者，可攻。腹微滿，初頭鞭，後必澹，不可攻之。若有燥屎者，病人煩熱，汗出則解。又如瘧狀，日晡所發熱者，「屬陽明也」。脈實者，宜下之。脈浮虛者，宜發汗下之。與大承氣湯，發汗宜桂枝湯。大下後六七日，不大便，煩不解，腹滿痛者，此有燥屎也。「所以然者，本有宿食故也。」病人小便不利，大便乍難乍易，時有微熱，喘冒不能臥者，有燥屎也。得病二三日，脈弱，無「太陽」柴胡證，煩燥，心下鞭，至四五日，雖能食，以小承氣湯，少少與，微和之，令小安。至大日，與承氣湯一升。若不大便六七日，小便少者，雖不能食，但初頭鞭，後必澹，未定成鞭，攻之必澹，須小便利，尿定鞭，乃可攻之。「傷寒六七日，「目中不了了，睛不和」，「無表裏證」，「大便難，身微熱者」，「此爲實，急下之。」「陽明」發熱，汗多者，急下之。發汗不解，腹滿痛者，急下之。腹滿不減，減不足言，當下之。「陽明少陽合病，必下利，其脈不負者，順也；負者失也。互相剋賊，名爲負也。脈滑而數者，有宿食也，當下之。」「少陰病，得之二三日，口燥咽乾者，急下之。」「少陰病」，「自利清水，色純青，心下必痛，口乾燥者，急下之。」「少陰病六七日」，「腹脹不大便者，急下之。」下利。

三部脈皆平。按之心下硬者。急下之。下利。脈遲而滑者。內實也。利未欲止。當下之。人病有宿食。何以別之。曰。寸口脈浮而大。按之反澀。尺中亦微而澀。故知有宿食。當下之。下利不欲食者。以有宿食故也。當下之。下利差後。至其年月日復發者。以病不盡也。當下之。下利脈反滑。當有所去。下之乃愈。病腹中滿痛者。一此爲實一也。當下之。一脈雙弦而遲一者。必心下硬。脈大而緊者。陽中有陰也。可以下之。一瘕爲病。一胸滿口噤。臥不著席。腳攣急。必齮齒。病解。能食七八日。更發熱。一此爲胃實。一產後七八日。無太陽證。一少腹堅痛。此惡露不盡。不大便。煩躁發熱。切脈微實。再倍發熱。日晡時煩躁者。不食。食則讞語。至夜即愈。宜大承氣湯主之。一熱在裏。結在膀胱也。一

大黃黃連「瀉心」湯。大黃二兩。黃連一兩。

右二味。以麻沸湯二升漬之。須臾絞去滓。分溫再服。

心下痞。按之濡。其脈一關上一浮者。一傷寒。大下後。復發汗。心下痞。惡寒者。一表一未解也。不可攻痞。一當先解表。表解乃可攻痞。解表宜桂枝湯。攻痞宜大黃黃連瀉心湯。

爲別按。當有心悸證。

「瀉心」湯。大黃二兩。黃連。黃芩各一兩。

右三味。以水三升。煮取一升。頓服之。

心氣不足。吐血衄血。本以下之。故心下痞。與瀉心湯。痞不解。其人口

渴而燥煩。小便不利者。五苓散主之。「婦人吐涎沫。」醫反下之。心下即痞。當先治其吐涎沫。以小青龍湯主之。涎沫止。乃治痞。以瀉心湯主之。

為則按。煎法當從大黃黃連瀉心湯附子瀉心湯之法也。又曰。不足。千金作不定。今從之。

附子「瀉心」湯。於瀉心湯方內加附子一枚。

右四味。切三味。以麻沸湯二升漬之。須臾絞去滓。內附子汁。分溫再服。心下痞。而復惡寒汗出者。

大黃附子湯。大黃三兩。附子三枚。細辛二兩。

右三味。以水五升。煮取二升。分溫三服。「若強人。」煮取二升半。分溫三服。服後如人行四五里進一服。

脇下偏痛。發熱。其脈緊弦。「此寒也。以溫藥下之。」

大黃甘遂湯。大黃四兩。甘遂二兩。阿膠二兩。

右三味。以水三升。煮取一升。頓服之。其血當下。

「婦人。」少腹滿如敦狀。小便微難而不渴。「生後此為水與血俱結在血室也。」

抵當湯。水蛭三十個。蟅蟲三十個。桃仁二十個。大黃三兩。

右四味。為末。以水五升。煮取三升。去滓。溫服一升。一不下再服。」

「太陽病六七日。」表證仍在。脈微而沉。反不結胸。其人發狂者。「以熱在下焦。」少腹當鞭滿。小便自利者。下血乃愈。「所以然者。以太陽

隨經瘀熱在裏」故也。「太陽病」一身黃、脈沈結、少腹脹、小便不利者、爲無血也。小便自利、其人如狂者、血證諦也。「陽明證」其人喜忘者、必有畜血、所以然者、本有久瘀血、故令喜忘。屎雖鞭、大便反易、其色必黑。「病人」無一表裏證、「發熱七八日、雖脈浮數者、可下之、假令已下、脈數不解、合熱則消穀、善飢、至六七日、不大便者、有瘀血、婦人經水不利下。

抵當丸。水蛭二十個。蟅蟲二十五個。桃仁二十個。大黃三兩。  
右四味、杵、分爲四丸、以水一升煮一丸、取七合服之、晡時當下血、若不下者更服。「傷寒」有熱、少腹滿、應小便不利、今反利者、爲有血也、當下之、不可餘藥。

橘皮大黃朴消湯。橘皮一兩。大黃二兩。朴消二兩。

右三味、以水一大升、煮至小升、頓服即消。  
齕食之、在心胸間不化、吐復不出、速下除之。「久成癥病」。

大黃消石湯。大黃。黃蘗。消石各四兩。梔子十五枚。

右四味、以水六升、煮取三升、去滓、內消石、更煮取一升、頓服。

「黃疸」腹滿、小便不利、而赤、自汗出、「此爲表和裏實」當下之。

大黃牡丹皮湯。大黃四兩。牡丹皮一兩。桃仁五十個。瓜子半升。

芒消三合。

右五味、以水六升、煮取一升、去滓、內芒消、再煎沸、頓腹之、有膿當下、如



無膿當下血。

「腸癰」者小腹腫痞。按之即痛如淋。小便自調。時時發熱。自汗出。復惡寒。其脈遲緊者。膿未成。可下之。當有血。脈洪數者。膿已成。不可下也。  
爲則按千金方作牡丹皮三兩。瓜子一升。芒消二兩。瓜子一升。今當十兩。

大黃甘草湯。大黃四兩。甘草一兩。

右二味。以水三升。煮取一升。分溫再服。食已即吐者。

爲則按當有急迫證。

調胃承氣湯。大黃四兩。甘草二兩。芒消半觔。

右三味。以水三升。煮取一升。去滓內芒消。更上火微煮。令沸。少少溫服。

「傷寒」脈浮。自汗出。小便數。心煩。微惡寒。腳攣急。反與桂枝湯。欲攻其表。一此誤也。得之便厥。咽中乾。煩躁吐逆者。作甘草乾薑湯與之。以「復其陽」。若厥愈。足溫者。更作芍藥甘草湯與之。其脚即伸。若「胃氣不和」。譫語者。少與調胃承氣湯。若重發汗。復加燒鍼者。四逆湯主之。「發汗後惡寒者。虛故也。不惡寒。便熱者。實也。當和胃氣。」

「太陽病未解。陰陽脈俱停。必先振慄汗出而解。但陽陰微者。先汗出而解。但陰脈微者。下之而解。若欲下之。」「傷寒十三日不解。過經譫語者。」以有熱也。當以湯下之。若小便利者。大便當輒。而反下利。脈調和者。知醫以丸藥下之。非其治也。若自下利者。脈當微。既今反和者。



此爲內實也。「太陽病過經十餘日。」心下溫溫欲吐而胸中痛。大便反澀。腹微滿。鬱鬱微煩。「先此時自極吐下者。」與調胃承氣湯。若不爾者。不可與。「但欲嘔。胸中痛。微澀者。此非柴胡證。以嘔故。知極吐下也。」「陽明病。」不吐不下。心煩者。「太陽病。」三日發汗不解。蒸蒸發熱者。「屬胃也。」「傷寒。」吐後腹脹滿者。大便不通。「胃氣不和者。」

爲則按。但急迫而大便不通者主之。

桃核「承氣」湯。桃仁五十個。桂枝二兩。大黃四兩。芒消二兩。甘草二兩。

右五味。以水七升。煮取二升半。去滓。內芒消。更上火。微沸下火。「先食。」溫服五合。日三服。「當微利。」

「太陽病不解。熱結膀胱。」其人如狂。血自下。下者愈。「其外不解者。」尚未可攻。當先「解外。」外解已。但少腹急結者。乃可攻之。

下瘀血湯。大黃二兩。桃仁三十個。蟅蟲二十枚。

右三味。末之。煉蜜和爲四丸。以酒一升煎一丸。取八合。頓服之。新血下如豚肝。「產婦」腹痛。「法當」以枳實芍藥散。假令不愈者。

「此爲腹中有乾血著臍下。」宜下。瘀血湯主之。亦主經水不利。

土瓜根散。土瓜根。芍藥。桂枝。蟅蟲各三分。

右四味。杵爲散。酒服方寸匙。日三服。

「帶下。」經水不利。少腹滿痛。經一月再見者。陰癰腫。

甘草湯。甘草二兩。

右一味。以水三升。煮取一升半。去滓。溫服七合。日二服。

「少陰病。」二三日。咽痛者。可與甘草湯。不差者與桔梗湯。

爲則按。甘草主急迫者也。

桔梗湯。桔梗一兩。甘草一兩。

右二味。以水三升。煮取一升。去滓。分溫再服。

「少陰病。二三日。」咽痛者。可與甘草湯。不差者與桔梗湯。欬而胸

滿。振寒。脈數。咽乾不渴。時出濁唾。腥臭久久。吐膿如米粥者。爲肺癰。

爲則按。粘痰如膿者主之。

排膿湯。甘草二兩。桔梗三兩。生薑一兩。大棗十枚。

右四味。以水三升。煮取一升。溫服五合。日再服。

爲則按。有粘痰。或膿血。而急迫者主之。

芍藥甘草湯。芍藥四兩。甘草四兩。

右二味。以水三升。煮取一升半。去滓。分溫再服之。

「傷寒。」脈浮。自汗出。小便數。心煩。微惡寒。腳攣急。反與桂枝湯。一欲  
攻其表。一此誤也。得之便厥。咽中乾。煩燥吐逆者。作甘草乾薑湯與之。  
以「復其陽。」一若厥愈足溫者。更作芍藥甘草湯與之。其脚卽伸。若「  
胃氣不和。」一譏語者。少與調胃承氣湯。若重發汗。復加燒鍼者。四逆湯

主之。

甘遂半夏湯。甘遂三枚。半夏十二枚。芍藥五枚。甘草指大一枚。右四味。以水二升。煮取半升。去滓。以蜜半升。和藥汁。煎取八合。頓服之。病者脈伏。其人欲自利。利反快。雖利心下續堅滿。此爲留飲欲去故也。」

爲則按。芍藥甘草湯。加減之方也。故當有舉急證。

芍藥甘草附子湯。芍藥三兩。甘草三兩。附子一枚。已上三味。以水五升。煮取一升五合。去滓。分溫服。發汗病不解。反惡寒者。一虛一故也。

爲則按。芍藥甘草湯證。而惡寒者主之。

甘麥大棗湯。甘草三兩。小麥一升。大棗十枚。右三味。以水六升。煮取三升。分溫三服。一婦人。藏躁喜悲傷。欲哭。象如神靈所作。數欠伸。

爲則按。急迫而狂驚者主之。

甘草粉蜜湯。甘草二兩。粉一兩。蜜四兩。

右三味。以水三升。先煮甘草。取二升。去滓。內粉蜜。攪令和。煎如薄粥。溫服一升。差即止。

「虵蟲之爲病。」令人吐涎。心痛。發作有時。毒藥不止。

生薑甘草湯。生薑五兩。人參三兩。甘草四兩。大棗十五枚。

右四味以水七升。煮取三升。分溫三服。「肺痿」欬唾涎沫不止。咽燥而渴。

爲則按。當有心下痞。腹強急證。

甘草乾薑湯。甘草四兩。乾薑二兩。

右以水三升。煮取一升五合。去滓。分溫再服。

「肺痿」吐涎沫而不咳者。其人不渴。必遺尿。小便數。所以然者。以上虛不能制下故也。此爲肺中冷。必眩多涎唾。甘草乾薑湯以溫之。若服湯已渴者。屬消渴。」「傷寒」脈浮。自汗出。小便數。心煩微惡寒。腳攣急。反與桂枝湯。欲攻其表。此誤也。得之便厥。咽中乾。煩躁吐逆者。作甘草乾薑湯與之。以復其陽。」「若厥愈。足溫者。更作芍藥甘草湯與之。其脚即伸。若一胃氣不和。」「譫語者。少與調胃承氣湯。若重發汗。復加燒鍼者。四逆湯主之。

爲則按。當有急迫證。

四逆湯。甘草二兩。乾薑一兩半。附子一枚。

右三味。以水三升。煮取一升二合。去滓。分溫再服。」「強人可大附子一枚。乾薑三兩。」「傷寒」脈浮。自汗出。小便數。心煩微惡寒。腳攣急。反與桂枝湯。欲攻其表。此誤也。得之便厥。咽中乾。煩躁吐逆者。作甘草乾薑湯與之。以復其陽。」「若厥愈。足溫者。更作芍藥甘草湯與之。其脚即伸。若一胃氣不和。」「譫語者。少與調胃承氣湯。若重發汗。

復加燒鍼者。四逆湯主之。「傷寒」醫下之。續得下利清穀不止。身疼痛者。「急當救裏。」後身疼痛。清便自調者。「急當救表。」救裏。一宜四逆湯。一救表。一宜桂枝湯。病發熱。頭痛。脈反沈。若不差。身體疼痛。一當救其裏。脈浮而遲。表熱裏寒。一大利清穀者。自利不渴者。屬太陰。以其藏有寒故也。當溫之。宜服四逆輩。一少陰病。脈沈者。急溫之。一少陰病。一飲食入口則吐。心中溫溫欲吐。復不能吐。始得之。手足寒。脈弦遲者。此胸中實。不可下也。當吐之。一若膈上有寒。一飲乾嘔者。不可吐也。急溫之。大汗出。熱不去。內拘急。四肢厥。又下利。厥逆而惡寒者。大汗若大下利。而厥冷者。下利。腹脹滿。身體疼痛者。一先溫其裏。一乃攻其表。溫裏四逆湯。一攻表。一桂枝湯。嘔而脈弱。小便復利。身有微熱。見厥者。難治。吐利。汗出發熱。惡寒。四肢拘急。手足厥冷者。既吐且利。小便復利。面大汗出。下利清穀。一內寒外熱。一脈微欲絕者。

爲則按。此甘草君藥也。

「通脈」四逆湯。甘草二兩。附子一枚。乾薑二兩。

右三味。以水三升。煮取一升二合。去滓。分溫再服。一其脈即出者愈。後加減法。面色赤者。加葱九莖。腹中痛者。去蔥。加芍藥二兩。嘔者。加生薑二兩。咽痛者。去芍藥。加桔梗一兩。利止脈不出者。去桔梗。加人參二兩。

「少陰病。」下利清穀。「裏寒外熱。」手足厥逆。脈微欲絕。身反不惡寒。其人面赤色。或腹痛。或乾嘔。或咽痛。或利止。脈不出者。下利清穀。「裏寒外熱。」汗出而厥者。

爲則按。當作附子六者一枚。以乾薑知其然。甘草新校正作三兩。是也。

四逆加人參湯。於四逆湯方內加人參一兩。惡寒。脈微而復利。「利止亡血也。」

爲則按。當有心下悸惡寒證。辨之藥徵人參條下。

茯苓四逆湯。茯苓六兩。人參一兩。甘草二兩。乾薑一兩半。附子一枚。

右五味。以水五升。煮取三升。去滓。溫服七合。日三服。發汗若下之。病仍不解。煩躁者。

爲則按。當有心下悸惡寒證。

「通脈」四逆加豬膽汁湯。於四逆湯方內加豬膽汁半合。加無豬膽。以羊膽代之。

吐已下斷。汗出而厥。四肢拘急不解。脈微欲絕者。

乾薑附子湯。乾薑一兩。附子一枚。

右二味。以水三升。煮取一升。去滓頓服。下之後。復發汗。晝日煩躁。不得眠。夜而安靜。不嘔不渴。無「表證」。脈沈微。「身無大熱者。」

附子粳米湯。附子一枚。半夏半升。甘草一兩。大棗十枚。粳米



半升。

右五味，以水八升，煮米熟湯成，去滓，溫服一升，日三服。腹中「寒氣」，雷鳴切痛，胸脇逆滿，嘔吐。

薤苳附子散。薤苳仁十五兩，大附子十枚。

右二味，杵爲散，服方寸匙，日三服。

「胸痺」緩急者。

爲則按。當有惡寒或浮腫證。

薤苳附子敗漿散。薤苳仁十分，附子二分，敗漿五分。

右三味，杵爲末，取方寸匙，以水二升，煎減半，頓服，小便當下。

「腸癰之爲病」，其身甲錯，腹皮急，按之濡，加腫狀，腹無積聚，身無熱。

脈數，「此爲腸內有癰膿」。

白通湯。葱白四莖，乾薑一兩，附子一枚。

右三味，以水三升，煮取一升，去滓，分溫再服。

「少陰病」下利。

爲則按。當有氣逆證。

白通加豬膽汁湯。葱白四莖，乾薑一兩，附子一枚，人尿五合。

豬膽汁一合。

已上三味，以水三升，煮取一升，去滓，內膽汁人尿和令相得，分溫再服。若無膽亦可用。

「少陰病。」下利。脈微者。與白通湯。利不止。厥逆無脈。乾嘔煩者。白通加豬膽汁湯主之。服湯脈暴出者。死。微續者生。

大烏頭煎。烏頭大者五枚。

右以水三升。煮取一升。去滓。內蜜二升。煎令水氣盡。取二升。一強人服七合。弱人五合。一不差。明日更服。不可一日再服。

一腹痛。脈弦而緊。弦則衛氣不行。即惡寒。緊則不欲食。邪正相搏。即為寒疝。一寒疝。遶臍。痛若發。則自汗出。手足厥冷。其脈沈弦者。

烏頭湯。

麻黃。

芍藥。

黃耆各三兩。

甘草三兩。

川烏。

五枚。咬咀。以蜜二升。煎取一升。

即出烏頭。

右五味。咬咀。四味以水三升。煮取一升。去滓。內蜜。煎中更煎之。服七合。不知。盡服之。

「病歷節。」不可屈伸。疼痛。一「脚氣。」疼痛。不可屈伸。一「寒疝。」腹中絞痛。一「痛風。」入攻五臟。一拘急不得轉側。發作有時。使人陰縮。手足厥逆。

為則按。當有自汗盜汗浮腫證。

赤丸。茯苓四兩。半夏四兩。方用桂。烏頭二兩。細辛一兩。

右四味。末之。內真朱為色。煉蜜丸如麻子大。先食酒飲下三丸。日再。夜一服。不知。稍增之。以知為度。一「寒氣。」厥逆。

爲則按。當有心下悸。及嘔而腹痛證。

真武湯。 茯苓三兩。 芍藥三兩。 生薑三兩。 朮二兩。 附子一枚。

右五味。以水八升。煮取三升。去滓。溫服七合。日三服。一後加減法。若效者。加五味半升。細辛乾薑各一兩。若小便利者。去茯苓。若下利者。去芍藥。加乾薑二兩。若嘔者。去附子。加生薑足前成半斤。

「少陰病。二三日不已。至四五日。腹脹。小便不利。四肢沉重。疼痛。自下利者。此爲有水氣。其人或欬。或下利。或嘔者。太陽病。發汗。汗出不解。其人仍發熱。心下悸。頭眩。身瞤動。振振欲擗地者。」

附子湯。 附子二枚。 茯苓三兩。 人參二兩。 朮四兩。 芍藥三兩。

右五味。以水八升。煮取三升。去滓。溫服一升。日三服。

「少陰病得之一二日。口中和。其背惡寒者。當灸之。」「少陰病」身體痛。手足寒。骨節痛。脈沈者。

爲則按。當有小便利。心下悸。或痞澀證。藥微辨之。

天雄散。 天雄三兩。 (當作三枚) 朮八兩。 桂枝六兩。 龍骨三兩。

右四味。杵爲散。酒服半錢匙。日三服。不知稍增之。

爲則按。失精家而小便不利。臍下有動。或惡寒。或衝逆者。主之。藥微辨之。

梔子豉湯。 梔子十四枚。 香豉四合。

右二味。以水四升。先煮梔子。得二升半。內豉。煮取一升半。去滓。分爲二

服溫進一服「得吐者止後服」

發汗吐下後虛煩不得眠若劇者必反覆顛倒心中懊憹發汗若下之而煩熱胸中窒者「傷寒五六日」大下之後身熱不去心中結痛者未欲解也「陽明病」脈浮而緊咽燥口苦腹滿而喘發熱汗出不惡寒反惡熱身重「若發汗」則燥心憤憤反譫語若加燒鍼必怵惕煩躁不得眠若下之則胃中空虛客氣動陽心中懊憹舌上胎者「陽明病」下之其外有熱手足溫不「結胸」心中懊憹饑不能食但頭汗出者下利後更煩按之心下濡者爲虛煩也

爲則按集註曰舊本有一服得吐止後服七字此因瓜蒂散中有香豉而誤傳於此今爲刪正余亦從之以下倣之

梔子甘草豉湯 梔子豉湯方內加入甘草二兩

梔子豉湯證而若少氣者

梔子生薑豉湯 梔子豉湯方內加生薑五兩

梔子豉湯證而若嘔者

爲則曰以上二方經以若字者冠梔子豉湯證之辭今製而列之故敢加梔子豉湯證而六字以通其意也

枳實梔子豉湯 枳實三枚 梔子十四枚 豉一升

右三味以清漿水七升空煮取四升內枳實梔子煮取二升下豉更煮五六沸去滓分溫再服覆令微似汗

「大病差後，勞復者，枳實梔子湯主之。若有宿食者，加大黃如梔子大五六枚。」

爲則按當有心中懊憹胸滿證。

梔子大黃豉湯。梔子十二枚。大黃一兩。枳實五枚。豉一升。右四味，以水六升，煮取二升，分溫三服。「酒黃疸」，「心中懊憹，或熱痛。」

茵陳蒿湯。茵陳蒿六兩。梔子十四枚。大黃二兩。

右三味，以水一斗，先煮茵陳，減六升，內二味，煮取三升，去滓，分溫三服。小便當利，尿如皂角汁狀，色正赤，一宿腹減，黃從小便去也。

「穀疸之爲病，」寒熱不食，食即嘔眩，心胸不安，久久發黃，「爲穀疸。」「陽明病發熱汗出，」此爲熱越不能發黃也，但頭汗出，身無汗，劑頸而還，小便不利，渴引水漿者，「此爲瘀熱在裏，身必發黃。」「傷寒七八日，」身黃如橘子色，小便不利，腹微滿者。

梔子蘗皮湯。梔子十五個。甘草一兩。黃蘗二兩。右三味，以水四升，煮取一升半，去滓，分溫再服。「傷寒」，「身黃發熱者。」

梔子厚朴湯。梔子十四枚。厚朴四兩。枳實四枚。已上三味，以水三升半，煮取一升半，去滓，分三服，溫進一服。「得吐者，止後服。」

「傷寒下後。」心煩腹滿。臥起不安者。

梔子乾薑湯。梔子十四枚。乾薑二兩。

右二味。以水三升半。煮取一升半。去滓。分二服。溫進一服。「得吐者。止後服。」

「傷寒。醫以丸藥大下之。」身熱不去。微煩者。

大陷胸湯。大黃六兩。芒消一升。甘遂一錢。

右三味。以水六升。先煮大黃。取二升。去滓。內芒消。煮一二沸。內甘遂末。溫服一升。「得快利。止後服。」

「太陽病。脈浮而動數。浮則爲風。數則爲熱。動則爲痛。數則爲虛。頭痛發熱。微盜汗出。而反惡寒者。表未解也。醫反下之。動數變遲。膈內拒痛。胃中空虛。客氣動膈。」短氣躁煩。心中懊懣。「陽氣內陷。」心下因鞭。則爲「結胸。」大陷胸湯主之。若不「結胸。」但頭汗出。餘處無汗。劑頸而還。小便不利。身必發黃也。「傷寒六七日。結胸。熱實。」脈沉而緊。心下痛。按之石鞭者。「傷寒十餘日。熱結在裏。」復往來寒熱者。與大柴胡湯。「但結胸無大熱者。此爲水結。在胸脇也。」但頭微汗出者。「太陽病。」重發汗。而復下之。不大便五六日。舌上燥而渴。日晡所小有潮熱。從心下至少腹。鞭滿而病。不可近者。「傷寒五六日。」嘔而發熱者。柴胡湯證具。而以他藥下之。柴胡證仍在者。復與柴胡湯。此雖已下之。不爲逆。必蒸蒸而振。卻發熱汗出而解。若心下滿。而鞭痛。



者。一此爲結胸也。一大陷胸湯主之。但滿而不痛者。一此爲痞。一柴胡不中與之。宜半夏瀉心湯。

大陷胸丸。大黃半斤。葶藶半升。芒硝半升。杏仁半升。右四味。搗篩二味。內杏仁芒硝。合研。如脂和散。取如彈丸一枚。別搗甘遂末一錢匙。白蜜二合。水二升。煮取一升。溫頓服之。一宿乃下。如不下。更服。取下爲效。一禁如葶法。

「結胸」者。項亦強。如「柔痙」狀。下之則和。

小陷胸湯。黃連一兩。半夏半升。栝蒌實大者一個。

右三味。以水六升。先煮栝蒌。取三升。去滓。內諸藥。煮取二升。去滓。分溫三服。

「小結胸病。」正在心下。按之則痛。脈浮滑者。一病在陽。應以汗解之。一反以冷水澀之。若澀之。其熱被劫。不得去。彌更益煩。肉上粟起。意欲飲水。反不渴者。服文蛤散。若不差者。與五苓散。一寒實結胸。一無熱證者。與三物小陷胸湯。白散亦可服。

栝蒌薤白白酒湯。栝蒌實一枚。薤白半升。白酒七升。

右三味。同煮取二升。分溫再服。

「胸痺之病。」喘息欬唾。胸背痛。短氣。一寸口脈沈而遲。關上小緊數。

栝蒌薤白半夏湯。栝蒌實一枚。薤白二兩。半夏半升。白酒一斗。

右四味同煮取四升。溫服一升。日三服。『胸痺』不得臥。心病散背者。

爲則按。當有嘔或胸腹滿證。

瓜蒂散。瓜蒂一分。赤小豆一分。

右二味各別搗篩爲散。已合治之。取一錢匙。以香豉一合。用熱湯七合。煮作稀糜。去滓。取汁和散。溫頓服之。不吐者少少加。得快吐乃止。『諸人』血虛家不可與『瓜蒂散』。

病如桂枝證。頭不痛。項不強。寸脈微浮。胸中痞鞭。氣上衝。咽喉不得息者。『此爲胸有寒也』。當吐之。病人手足厥冷。脈乍緊者。邪結在胸中。心中滿。而煩饑不能食者。病在胸中。當須吐之。宿食在上脘。當吐之。

爲則按。當有欲吐證。

文蛤散。文蛤五兩。

右一味爲散。以沸湯和一錢匙服。湯用五合。

『病在陽。應以汗解之。反以冷水漬之。若灌之。其熱被劫不得去。彌更益煩。肉上粟起。意欲飲水。反不渴者。服文蛤散。若不差者。與五苓散。』寒實結胸。『無熱證者。與三物小陷胸湯。白散亦可服。』渴欲飲水不止者。

大半夏湯。半夏二升。人參三兩。白蜜一升。

右三味以水一斗二升和蜜湯之二百四十遍煮取二升半溫服一升餘分再服。

「胃反」嘔吐者。

爲則按外臺云治嘔心下痞鞭者今從之。

小半夏湯。半夏一升。生薑半斤。

右二味以水七升煮取一升半分溫再服。

嘔家本渴者爲欲解今反不渴心下有一支飲一故也。「黃疸病」小便色不變欲自利腹滿而喘「不可除熱熱除必嘔」嘔者諸嘔吐穀不得下者。

生薑半夏湯。半夏半升。生薑汁一升。

右二味以水三升煮半夏取二升內生薑汁煮取一升半小冷分四服。日三夜一嘔止停後服。

病人胸中似喘不喘似嘔不嘔似噦不噦徹心中憤憤然無奈。

小半夏加茯苓湯。半夏一升。生薑半斤。茯苓二兩。

右三味以水七升煮取一升五合分溫再服。

卒嘔吐心下痞「膈間有水」眩悸者。先渴後嘔「爲水停心下」此

屬飲家。」

半夏苦酒湯。半夏十四枚。雞子一枚。

右二味內半夏著苦酒中以雞子殼置刀環中安火上令三沸去滓少

少含嚥之。不差更作三劑。

「少陰病」咽中傷生瘡。不能語言。聲不出者。

半夏厚朴湯。半夏一升。厚朴三兩。茯苓四兩。生薑五兩。乾蘇葉二兩。

右五味以水七升煮取四升。分溫四服。日三夜一服。

「婦人」咽中如有炙燔。

爲則按。當有悸證。又按千金作胸滿。心下堅。咽中帖帖。如有炙肉。吐之不出。吞之不下。

半夏乾薑散。半夏。乾薑各等分。

右二味杵爲散。取方寸匙漿水一升半。煎取七合。頓服之。乾嘔吐逆吐涎沫。

乾薑人參半夏丸。乾薑。人參各一兩。半夏二兩。

右三味末之以生薑汁糊爲丸。如梧子大。飲服十丸。日三服。「妊娠」嘔吐不止。

爲則按。當有心下痞鞭證。

半夏「瀉心」湯。半夏半升。黃芩。乾薑。人參各三兩。黃連一

兩。大棗十二枚。甘草三兩。

右七味以水一斗。煮取六升。去滓。再煮取三升。溫服一升。日三服。

「傷寒五六日」嘔而發熱者。柴胡湯證具。而以他藥下之。柴胡證仍在者。復與柴胡湯。此雖已下之不爲逆。必蒸蒸而振。卻發熱汗出而解。

若心下滿而鞭痛者。一此爲結胸也。一大陷胸湯主之。但滿而不痛者。一此爲痞。柴胡不中與之。嘔而腸鳴。心下痞者。

爲則按心下痞。當作心下痞鞭。

甘草「瀉心」湯。半夏瀉心湯方內加甘草一兩。

「傷寒中風。」醫反下之。其人下利。日數十行。穀不化。腹中雷鳴。心下痞鞭而滿。乾嘔。心煩不得安。醫見心下痞。謂病不盡。復下之。其痞益甚。一此非結熱。但以胃中虛。客氣上逆。故使鞭也。一「狐惑之爲病。」狀如「傷寒。」默默欲眠。目不得閉。臥起不安。蝕於喉。一爲惑。一蝕於陰。一爲狐。一不欲飲食。惡聞食臭。其面目乍赤。乍黑。乍白。蝕於上部。則聲喝。

爲則按。當有急迫證。

生薑「瀉心」湯。半夏瀉心湯方內。減乾薑二兩。加生薑四兩。

「傷寒。汗出解之後。胃中不和。」心下痞鞭。乾嘔。食臭。脇下有水氣。腹中雷鳴。下利者。

吳茱萸湯。吳茱萸一升。人參三兩。生薑六兩。大棗十二枚。

右四味。以水七升。煮取二升。去滓。溫服七合。日三服。

食穀欲嘔者。一屬陽明也。一吳茱萸湯主之。得湯反劇者。一屬上焦也。

「少陰病。」吐利。手足厥冷。煩躁欲死者。乾嘔。吐涎沫。頭痛者。

嘔而胸滿者。

厚朴生薑半夏甘草人參湯。厚朴半斤。生薑半斤。半夏半升。人參一兩。甘草二兩。

右五味以水一斗。煮取三升。去滓。溫服一升。日三服。發汗後。腹脹滿者。

爲則按。當有吐逆證。

黃連湯。黃連。甘草。乾薑。桂枝各三兩。人參二兩。半夏半升。大棗十二枚。

右七味以水一斗。煮取六升。去滓。溫服一升。日三服。夜二服。「傷寒」胸中有熱。「胃中」有邪氣。腹中痛。欲嘔吐者。

爲則按。當有心中悸。煩上逆證。

乾薑黃連黃芩人參湯。乾薑三兩。黃連三兩。黃芩三兩。人參三兩。

右四味以水六升。煮取二升。去滓。分溫再服。

「傷寒」本自汗下。醫復吐下之。寒格更逆。吐下。「若食入口即吐」。

爲則按。此乃主心中煩悸。及心下痞硬。而吐下者也。

大「建中」湯。蜀椒二合。乾薑四兩。人參二兩。

右三味以水四升。煮取二升。去滓。內膠飴一升。微火煎取一升半。分溫再服。如一炊頃。可飲粥二升。後更服。當一日食糜溫覆之。心胸中大「寒」。痛嘔不能飲食。腹中寒上衝。皮起出。見有頭足上下。



痛而不可觸近。

黃連阿膠湯。黃連四兩。黃芩一兩。芍藥二兩。雞子黃二枚。阿膠三兩。

右五味。以水五升。先煮三物。取二升。去滓。內膠。烱盡。少冷。內雞子黃。攪令相得。溫服七合。日三服。

「少陰病。得之二三日以上。心中煩不得臥。

黃芩湯。黃芩三兩。甘草二兩。芍藥二兩。大棗十二枚。

右四味。以水一斗。煮取三升。去滓。溫服一升。日再。夜一服。若嘔者。加半夏半升。生薑三兩。

「太陽與少陽合病。自下利者。與黃芩湯。若嘔者。黃芩加半夏生薑湯主之。

為則按。當有心下痞。腹強急證。

黃芩加半夏生薑湯。於黃芩湯方內加半夏半升。生薑三兩。

「太陽與少陽合病。自上利者。與黃芩湯。若嘔者。乾嘔而利者。

六物黃芩湯。黃芩。人參各三兩。乾薑三兩。桂枝一兩。大棗十

二枚。半夏半升。

右六味。以水七升。煮取三升。分溫三服。乾嘔下利。

為則按。當有心下痞。腹強。

三物黃芩湯。黃芩一兩。苦參二兩。乾地黃四兩。

右三味。以水六升。煮取二升。溫服一升。多吐下蟲。  
「婦人在草蓐。自發露得風。」四肢苦煩熱。頭痛者。與小柴胡湯。頭不  
痛但煩者。

爲則按。當有心胸苦煩證。

白頭翁湯。白頭翁二兩。黃連。黃柏。秦皮各三兩。

右四味。以水七升。煮取二升。去滓。溫服一升。不愈。更服一升。一本白

頭翁作三兩。

熱利下重者。下利欲飲水者。「以有熱故也。」

爲則按。當有心悸證。

白頭翁加甘草阿膠湯。白頭翁湯方內加甘草阿膠各二兩。

右六味。以水七升。煮取二升半。內膠令消盡。分溫三服。

「產後。」下利。「虛極。」

爲則按。雖曰產後。非唯言產後也。當以血證爲準。又當有急迫證。

木防己湯。木防己三兩。石膏雞子大。桂枝二兩。人參四兩。

右四味。以水六升。煮取二升。分溫再服。

「隔間。」支飲。「其人喘滿。心下痞堅。面色黧黑。其脈沈緊。得之數十日。  
醫吐下之。不愈。木防己湯主之。虛者即愈。實者三日復發。復與不愈者。  
宜木防己湯去石膏加茯苓芒消湯主之。」

爲則按。當有煩渴證。

木防己去石膏加茯苓芒消湯。木防己湯方內去石膏加茯苓四兩芒消三合。

右五味以水六升。煮取二升。去滓。內芒消。再微煎。分溫再服。微利則愈。膈間「支飲」。其人喘滿。心下痞堅。面色黧黑。其脈沈緊。得之數十日。醫吐下之。不愈。木防己湯主之。虛者即愈。實者三日復發。復與不愈者。為則按。當有心下悸證。

防己茯苓湯。防己三兩。黃耆三兩。桂枝三兩。茯苓六兩。甘草二兩。

右五味以水六升。煮取二升。分溫三服。「皮水為病」。四肢腫。水氣在皮膚中。四肢聶聶動者。

防己黃耆湯。防己四兩。黃耆五兩。朮三兩。甘草二兩。生薑三兩。大棗十二枚。

右六味以水六升。煮取二升。分溫三服。

「風濕」。脈浮身重。汗出惡風者。風濕一作風水治「風水脈浮為在表」。其人或頭汗出。表無他病。病者但下重。從腰以上為和。腰以下當腫。及陰難以屈伸。

為則按。分量煎法非古。今從外臺。

枳實芍藥散。枳實。芍藥各等分。

右二味。杵為散。服方寸匕。日三服。並主癰腫。以麥粥下之。

「產後」服痛煩滿不得臥。 「產後」腹痛。 「法當」以枳實芍藥散。假令不愈者。 「此爲腹中有乾血著臍下。」宜下瘀血湯主之。亦主經水不利。

枳朮湯。 枳實七枚。 朮二兩。

右二味。以水五升。煮取三升。分溫三服。 「腹中與臍當散也。」心下堅大如盤邊如旋杯。朮飲所作。

爲則按。當有小便不利證。

排膿散。 枳實十六枚。 芍藥六分。 桔梗二分。

右三味。杵爲散。取雞子黃一枚。以藥散與雞黃相等揉和。令相得。飲和服之。日一服。

爲則按。有瘕癥而胸腹拘滿者主之。

桂枝枳實生薑湯。 桂枝。 生薑各三兩。 枳實五枚。

右三味。以水六升。煮取三升。分溫三服。心中痞。諸逆。心懸痛。

爲則按。當有嘔證。又曰。痞下脫滿字耶。

枳實薤白桂枝湯。 枳實四枚。 厚朴四兩。 薤白半升。 桂枝一兩。

栝蒌實一枚。

右五味。以水五升。先煮枳實厚朴。取二升。去滓。內諸藥。煮數沸。分溫三服。

「胸痺」一心中痞「留氣」結在胸胸滿脇下逆搶心枳實薤白桂枝湯主之。人參湯亦主之。

橘皮枳實生薑湯。橘皮一斤。枳實三兩。生薑半斤。右三味以水五升煮取二升分溫再服。

「胸痺」胸中氣塞短氣茯苓杏仁甘草湯主之。橘枳薑湯亦主之。  
爲則按。當有嘔證。

茯苓飲。茯苓人參朮各三兩。枳實二兩。橘皮二兩半。生薑四兩。

右六味水六升煮取一升八合分溫三服如人行八九里進之。治心胸中有停痰宿水自吐出水後心胸間虛氣滿不能食消痰氣令能食。  
爲則按。當有心下痞硬證。

橘皮竹茹湯。橘皮二斤。〔一本作二升〕竹茹二升。大棗三十枚。生薑半斤。甘草五兩。人參一兩。

右六味以水一斗煮取三升溫服一升日三服。噦逆者。

橘皮湯。橘皮四兩。生薑半斤。

右二味以水七升煮取三升溫服一升。下咽即愈。乾嘔噦若手足厥者。

桂枝茯苓丸。桂枝。茯苓。牡丹。桃仁。芍藥各等分。

右五味末之。煉蜜和丸。如兔屎大。每日食前服一丸。不知。加至三丸。婦人宿有「癥病」。一經斷未及三月而得漏下不止。胎動在臍上者。「爲癥瘕害」。妊娠六月動者。前三月經水利時。胎下血者。後斷三月不血也。所以血不止者。其癥不去故也。當下其癥。

爲則按。當有衝逆心下悸證。又曰是不唯治婦人之病方也。

芎歸膠艾湯。芎藭。阿膠各二兩。甘草二兩。艾葉。當歸各三兩。

芍藥四兩。乾地黄六兩。

右七味。以水五升。清酒五升合。煮取三升。去滓。內膠。令消盡。溫服一升。日三服。不差。更作。

婦人有漏下者。有半產後因續下血都不絕者。有妊娠下血者。假令妊娠腹中痛。「爲胞疸」。

爲則曰。凡治吐血下血諸血證者。不別男子婦人矣。

旋覆花代赭石湯。旋覆花三兩。人參二兩。生薑五兩。半夏半升。

代赭一兩。大棗三兩。甘草三兩。

右七味。以水一斗。煮取六升。去滓。再煎取三升。溫服一升。日三服。

「傷寒」發汗。若吐。若下。解後心下痞鞭。噯氣不除者。

赤石脂禹餘糧湯。赤石脂一斤。禹餘糧一斤。

已上二味。以水六升。煮取二升。去滓。三服。

「傷寒」服湯藥。下利不止。心下痞鞭。服瀉心湯。已復以他藥下之。利



不止。醫以理中與之。利益甚。理中者。理中焦。此利在下焦。赤石脂禹餘糧湯主之。復利不止者。當利其小便。

爲則按此章非疾病證義。故不取。雖然。赤石脂禹餘糧湯證。可從于此也。又云。當利其小便。下方脫。

桃花湯。赤石脂一斤。乾薑一兩。粳米一升。

右三味。以水七升。煮米令熟。去滓。溫七合。內赤石脂末方寸匕。七服。若一服愈。餘勿服。

「少陰病。」下利便膿血者。一少陰病。二三日。至四五日。一腹痛。小便不利。下利不止。便膿血者。下利便膿血者。

大猪膽汁。大猪膽一枚。

膽汁和醋少許。以灌穀道中。如一食頃。當大便出。

「陽明病。自汗出。若發汗。小便自利者。此爲津液內竭。雖硬不可攻之。」當須自欲大便。宜蜜煎導而通之。若土瓜根及與大猪膽汁。皆可爲導。

蜜煎導。蜜七合。

一味內銅器中。微火煎之。稍凝似飴狀。擾之。勿令焦著。欲可丸。併手捻作挺。令頭銳大。如指長二寸許。當熱時急作。冷則硬。以內穀道中。以手急抱。欲大便時乃去之。

主治見大猪膽汁下。

酸棗仁湯。酸棗仁二升。甘草一兩。知母二兩。茯苓二兩。芎藭

二兩。

右五味，以水八升，煮酸棗仁得六升，內諸藥，煮取三升，分溫三服。  
「虛勞」虛煩，不得眠。

爲則曰：虛勞當作煩躁。

葶藶大棗「瀉肺」湯。葶藶搗丸加彈丸大。大棗十二枚。

右先以水三升，煮棗取二升，去棗，內葶藶，煮取一升，頓服。

「肺癰」喘不得臥。「肺癰」胸滿脹，一身面目浮腫，鼻塞涕出，不聞香臭，酸辛，欬逆上氣，喘鳴迫塞。「支飲」不得息。

麻子仁丸。麻子仁二升，均藥半斤，枳實一斤，大黃一斤，厚朴一尺，杏仁一斤。

右六味，末之，煉蜜和丸，梧子大，飲服十丸，日三，以知爲度。

「趺陽脈浮而瀉，浮則胃氣強，瀉則小便數，浮瀉相搏，」大便則堅，「其脾爲約。」

己椒藶黃丸。防己、椒目、葶藶、大黃各一兩。

右四味，末之，蜜丸如梧子大，先食飲服一丸，日三服，稍增。「口中有津液，渴者加芒消半兩。」

腹滿，口舌乾燥，「此腸間有水氣。」

蜀漆散。蜀漆、雲母、龍骨各等分。

右三味，杵爲散，未發前以漿水服半錢。

瘧多寒者。一名曰牡瘧。」

爲則按。當有臍下動證。

十棗湯。芫花。甘遂。大戟各等分。

已上三味等分。各別擣爲散。以水一升半。先煮大棗肥者十枚。取八合。去滓。內藥末。一強人服一錢匕。羸人服半錢。一溫服之。平旦服。若下少。病不除者。明日更服。加半錢。得快下利後。糜粥自養。」

「太陽中風。一不利。嘔逆。一表解者。一乃可攻之。其人黎黎汗出。發作有時。頭痛。心下痞鞭滿。引脇下痛。乾嘔。短氣。汗出。不惡寒者。一此表解裏未和也。」病「懸飲」者。一「欬家。其脈弦。爲有水。」夫「有支飲家。一欬煩。胸中痛者。一不卒死至一百日一歲。」

桔梗白散。桔梗。貝母各三分。巴豆一分。

右三味爲散。一強人欬服半錢匕。羸者減之。一病在膈上者。吐膿血。膈下者。瀉出。一若下多不止。飲冷水一盃則定。」

欬而胸滿。振寒。脈數。咽乾。不渴。時出濁唾。腥臭。久久吐膿。寒如米粥者。一爲肺癰。一「病在陽。應以汗解之。一反以冷水澀之。若灌之。其熱被劫不得去。彌更益煩。肉上粟起。意欲飲水。反不渴者。服文蛤散。若不差者。與五苓散。一寒實結胸。一無熱證者。與三物小陷胸湯。白散亦可服。」

爲則按。有結毒而獨唾吐膿者。主之。

走馬湯。巴豆二枚。杏仁二枚。

右二味。以綿纏槌令碎。熱湯二合。捻取白汁。飲之當下。老少量之。  
「通治飛尸鬼擊病。」中惡。心痛。腹脹。大便不通。

備急圓。大黃一兩。乾薑一兩。巴豆一兩。

右藥各須精新。先搗大黃乾薑爲末。研巴豆內中。合治一千杵。用爲散。  
蜜和丸。亦佳。密器中貯之。莫令洩氣。  
主心腹諸卒暴。百病若中惡。客忤心腹脹滿。卒痛如錐刺。氣急。口禁。停尸卒死者。以暖水若酒服大豆許三四丸。或不下。捧頭起。灌令下咽。須臾當差。如未差。更與三丸。當腹中鳴。卽吐下。便差。若口禁亦須折齒灌之。

礬石湯。礬石二兩。

右一味。以漿水一斗五升。煎三五沸。浸腳。

良治「腳氣」冲心。

消礬散。消石。礬石等分。

右二味。爲末。以大麥粥汁和。服方寸匕。日三服。病隨大小便去。小便正黃。大便正黑。是候也。

黃家日晡所發熱。而反惡寒。「此爲女勞得之。」膀胱急。少腹滿。身盡黃。額上黑。足下熱。因「作黑疸。」其腹腹如水狀。大便必黑。時澹。「此女勞之病。非水也。腹滿者難治。」

礬石丸 礬石三分 杏仁一分

右二味末之。煉蜜和丸。棗核大。內藏中。劇者再內之。

婦人經水閉。不利。藏堅癖不止。中有乾血。下白物。

蛇床子散 蛇床子仁

右一味末之。以白粉少許。和令相得。如棗大。綿裹內之。自然溫溫陰中坐藥。

不試方十八方

竹葉石膏湯 竹葉二把 石膏一斤 半夏半升 人參三兩 甘草

二兩 粳米半升 麥門冬一升

右七味以水一斗。煮取六升。去滓。內粳米。煮米熟。湯成去米。溫服一升。日三服。

傷寒解後虛羸。少氣。氣逆欲吐者。

爲則按。當有枯燥證。又按條辨。作竹葉三兩。今從之。

麥門冬湯 麥門冬七升 半夏一升 人參二兩 甘草二兩 粳米

三合 大棗十枚

右六味以水一斗二升。煮取六升。溫服一升。日三夜一服。大逆上氣咽喉不利。止逆下氣者。

爲則按。當有心下痞證。

雄黃熏 雄黃

右一味爲末。筒瓦二枚合之。燒向肛熏之。  
蝕於肛者。

頭風摩散。大附子一枚。鹽等分。

右二味爲散。凍了。以方寸匕已摩疾上。令藥力行。

皂莢丸。皂莢八兩。

右一味末之。蜜丸梧子大。以棗膏和湯服。三九日。三夜一服。

欬逆上氣。時時唾濁。但坐不得眠。

葶藶湯。葶藶二升。薤苢仁半升。桃仁五十枚。瓜瓣半升。

右四味以水一斗。先煮葶藶得五升。去滓。內諸藥。煮取二升。服一升。再服。當吐如膿。

欬有微熱。煩滿。胸中甲錯。是爲肺癰。

當歸生薑羊肉湯。當歸三兩。生薑五兩。羊肉一斤。

右三味以水八升。煮取三升。溫服七合。日三服。若寒多者。加生薑成一斤。痛多而嘔者。加橘皮二兩。水一兩。加生薑者。亦加水五升。煮取三升。二合服之。

寒疝。腹中痛。及脇痛裏急者。產後。腹中疴痛。當歸生薑羊肉湯主之。並治腹中寒疝。虛勞不足。

蒲灰散。蒲灰七分。滑石二分。

右二味杵爲散。飲服方寸匕。日三服。



小便不利。蒲灰散主之。滑石白魚散。茯苓戎鹽湯并主之。  
者。厥而皮水

滑石白魚散。滑石二分。亂髮二分。燒。白魚二分。

右三味。杵爲散。飲服方寸匕。日三服。

小便不利。蒲灰散主之。滑石白魚散。茯苓戎鹽湯并主之。

猪膏髮煎。猪膏半斤。亂髮如雞子大三枚。

右二味。和膏中煎之。髮消藥成。分再服。病從小便出。

主諸黃。

柏葉湯。柏葉。乾薑各三兩。艾三把。

右三味。以水五升。取馬通汁一升合。煮取一升。分溫再服。

吐血不止者。

黃土湯。甘草。乾地黄。朮。附子。阿膠。黃芩各三兩。竈中黃

土半斤。

右七味。以水八升。煮取三升。分溫二服。

下血。先便後血。此遠血也。主吐血衄血。

雞屎白散。雞屎白。

右一味。爲散。取方寸匕。以水六合和。溫服。

轉筋之爲病。其人臂脚直。脈上下行微弦。轉筋入腹者。

蜘蛛散。蜘蛛十四枚。桂枝半兩。

右二味爲散。取八分一匙。飲和服。日再服。蜜丸亦可。

陰狐疝氣者。偏有大小。時時上下。

當歸芍藥散。

當歸三兩。

芍藥一斤。

茯苓四兩。

朮四兩。

澤瀉半

斤。芎藭半斤。（一作三兩。）

右六味。杵爲散。取方寸匕。酒和。日三服。

婦人懷妊。腹中疔痛。

歸母苦參丸。

當歸。

貝母。

苦參各四兩。

右三味。末之。煉蜜丸。如小豆大。飲服三丸。加至十丸。

妊娠小便難。飲食如故。

狼牙湯。狼牙三兩。

右一味。以水四升。煮取半升。以綿纏筋如繭。浸湯。漚陰中。日四遍。

少陰。脈滑而數者。

陰中卽生瘡。陰中蝕瘡爛者。狼牙湯洗之。

小兒疳蟲蝕齒方。

雄黃。

葶藶。

右二味。末之。取臘日猪脂。以槐枝綿裹頭。四五枚。點藥烙之。

## 類聚方跋

醫之爲學也。其方而已。方能載其道。以傳之千載。故其欲求之也。不由其路。譬如場師失養。梧櫟於枳棘。苟其失養之也。且人賤之。況又迷罔之人。不亦悲乎。我東洞先生。取道於越人。求方於長沙。以唱古醫之術。然其書之篇章。證或先方而發焉。方或後證而起焉。不易卒覩。於是先生乃因對之次之。名曰類聚方。嗟乎。善乎。此書乃使志古醫之術者。得由其路也。不迷罔焉。夫道如大路然。孟軻氏之云。今乎宜也。詩曰。不愆不忘。率由舊章。抑此之謂與。

寶曆壬午春二月

門人 東都 山常卿謹跋

# 題類聚方後

古也者邈矣。無有方書存焉。其存焉者。僅金匱玉函。傷寒論已。此猶天之未喪斯文也。是以歷代爲方者。必尊奉張仲景氏矣。雖然尋案多滯。不得其蘊奧。柔則茹之。剛則吐之。終令斯文至拂地焉。且其書。歷世之久。闕文錯簡。不可勝計。加之傳者增損之變。不亦悲乎。獨吾東洞先生。張膽瞋目。朝考夕試。剛亦不吐。柔亦不茹。嬰類而長之。依例而刪之。以著類聚方。舉以視門人。令人人得與斯文。可謂幸甚矣。蓋類聚所以審方意也。方意審。則藥能從。藥能從。則疾疾無所潛匿也。賢臣子不嘗則已。嘗則苦于口。利于疾也。百世一日。而後醫之從事于仲景氏。日益深乎。則斯文郁郁乎。今者。豈有與仲景氏之世異乎哉。余不勝其雀躍。遂題類聚方後。

門人 阿波 新崎國林謹題

# 題類聚方後

古也者邈矣。無有方書存焉。其存焉者。僅金匱玉函。傷寒論已。此猶天之未喪斯文也。是以歷代爲方者。必尊奉張仲景氏矣。雖然尋案多滯。不得其蘊奧。柔則茹之。剛則吐之。終令斯文至拂地焉。且其書。歷世之久。闕文錯簡。不可勝計。加之傳者增損之變。不亦悲乎。獨吾東洞先生。張膽瞋目。朝考夕試。剛亦不吐。柔亦不茹。嬰類而長之。依例而刪之。以著類聚方。舉以視門人。令人人得與斯文。可謂幸甚矣。蓋類聚所以審方意也。方意審。則藥能從。藥能從。則疾疾無所潛匿也。賢臣子不嘗則已。嘗則苦于口。利于疾也。百世一日。而後醫之從事于仲景氏。日益深乎。則斯文郁郁乎。今者。豈有與仲景氏之世異乎哉。余不勝其雀躍。遂題類聚方後。

門人 阿波 新崎國林謹題